

說文解字注箋

說文解字第十二上

金壇段玉裁注

番禹徐灝箋

三十六部 七百七十九文 重八十四

凡九千二百三字

文三十 新附

㇏元鳥也齊魯謂之㇏取其鳴自呼象形凡㇏之屬

皆从㇏鳥轄切㇏或从鳥

注曰燕之鳴如云㇏燕㇏雙聲莊子謂之鷦鷯鷦鷯

鷽亦雙聲也燕象籥口布玃枝尾之形㇏象玃開

首竦橫看之乃得本與甲乙異俗人恐其相亂加

鳥旁爲𪚩本音烏拔反讀於筆切者非是○箋曰
商頌元鳥傳元鳥𪚩也爾雅釋鳥燕𪚩舍人曰燕
又名𪚩郭璞誤讀燕燕𪚩爲句說詳佳部舊下

𪚩通也从乙从子乙請子之候鳥也乙至而得子嘉
美之也古人名嘉字子孔康董切

注曰古音在幽部故吼訖以爲聲左傳楚成嘉鄭
公子嘉皆字子孔宋孔父嘉字孔故後以爲氏○
箋曰王氏引之曰孔好一聲之轉空調之孔亦謂
之好嘉美者謂之好亦謂之孔義相因也漢書禮
樂志令聞在舊孔容翼翼孔容嘉美之容也請子
說見下伯爲語詞甚也

乳人及鳥生子曰乳獸曰產从孚从乙乙者元鳥也
明堂月令元鳥至之日祠于高禩以請子故乳从
乞請子必以乞至之日者乞春分來秋分去開生
之候鳥帝少昊司分之官也

而主切

注曰从孚乙會意○箋曰爪部孚卵孚也故乳从
孚因以爲人免乳之備月令仲春之月元鳥至至
之日以大牢祠于高禩鄭注元鳥燕也燕以施生
時來巢人堂宇而孚乳娶嫁之象也媒氏之官以
爲候左氏昭十七年傳元鳥氏司分者也薛氏阮
氏款識史伯碩父鼎有卩字阮太傅曰乳字象形

文三 重一

不鳥飛上翔不下來也从一一猶天也象形凡不之

屬皆从不

方久切

注曰凡云不然者皆於此義引申假借其音古在
之部轉入尤有韵○箋曰鄭樵曰不象萼萼蒂之
形程氏通藝錄曰小雅常棣之華鄂不韡韡鄭箋
云承華者曰鄂不當作拊拊鄂足也古聲不拊同
不字義人鮮知者鄭氏以拊曉人非謂拊譌爲不
而欲改其字也左傳三周華不注水經注言華不
注山單椒秀澤不連陵以自高而說者以爲山如
華跗之著於水又爾雅釋山曰山再成英一成坏
蓋亦以華狀之坏卽不一成者如華之有鄂足華

英在不上故山再成者如鄂不之承華英也不字
上象鄂足著於枝莖三垂象其承華之鄂癸癸也
灝按鄭程說是也艸部曰茅華盛也與此音義同
不茅古今字因不借爲語詞久而廢其本義又加
艸作茅實一字也易說卦傳震爲專釋文引干寶
曰花之通名爲鋪花朶謂之敷蓋古音敷讀重唇
與鋪聲近敷卽不也今北人語音尙爾轉爲敷悲
切又敷勿切其輕唇轉爲府鳩切又府久切皆一
聲之轉也又不與丕音義亦同

𠂔

不也从口从不亦聲

方久切

注曰否者說事之不然也孟子萬章問曰人有言

伊尹以割烹要湯孟子曰否然也又問孔子於衛
主癰疽孟子曰否然也又問百里奚自鬻於秦養
牲者孟子曰否然趙注皆曰否不也不如是也注
以不如是釋否然今本正文皆譌作否不然語贅
而注不可通矣否字引申之義訓爲不通如易之
泰否堯典之否德小雅之否難知也論語之予所
否者皆殊其音讀符鄙切要之古音則同也

文二

𪛗鳥飛从高下至地也从一一猶地也象形不上去
而至下句來也凡至之屬皆从至脂利切
至

古文

注曰凡云來至者皆於此義引申假借引申之為

怨至為極至象形調中象鳥首嚮下

𠂔

至也从至刀聲

都悼切

注曰釋詁曰到至也○箋曰戴氏侗曰至之義鳥

自上而下故顛到之義取焉

臻

至也从至秦聲

側詵切

注曰臻至也見釋詁○箋曰釋詁又曰臻乃也

𠂔

忿戾也从至至而復遜

繫傳作孫下同

遜遁也

周書曰有

夏氏之民叨堊堊讀若摯

繫傳此下有同字丑利切

注曰書多方文今本無氏字堊作憤天寶閒衛包

改也釋文堊作憤宋開寶閒改也大學心有所忿

懷注云懷怒兒或作憤○箋曰尙書中字段以爲衛包所改者多未確如憤字旣曰衛包改而釋文固已如是遂又謂釋文爲宋開寶間所改皆信口說之耳按璽訓忿戾與孫遁義不相協未詳其指臺觀四方而高者从至从土从高省繫傳作从與室高省土聲

屋同意徒哀切

注曰大雅經始靈臺釋宮毛傳曰四方而高曰臺釋名臺持也築土堅高能自勝持也古臺讀同持室屋篆下皆云从至者所止也○箋曰釋宮又曰闔謂之臺此城臺也土當爲聲

臺到也从二至人質切

注曰足部有通篆从𠂔聲

文六 重一

𠂔鳥在巢上象形日在西方而鳥棲故因以爲東西之西凡西之屬皆从西先稽切𠂔西或从木妻

𠂔古文西 𠂔籀文西

注曰下象巢上象鳥古無東西之西借鳥在巢上之西爲之○箋曰西古棲字象鳥棲於巢之形𠂔爲鳥𠂔爲巢繫傳曰卜亦象鳥也隸變作𠂔又變爲𠂔鳥棲時日在西方借爲東西之西因爲借義所專又加木作栖古音讀若先聲轉入脂部棲从妻聲則後造之字也

皇姓也从西圭聲

戶圭切

注曰許書自女部姬姜等十二字而外未有云姓者夫部吳下云姓也郡也為妄人所增而此聖篆解云姓也雖篆文亦屬偽羈許果有此篆必釋其本義不徒云姓也小徐云張說梁四公子記有聖闕依廣韻梁四公子字作聖與聖各字

文二 重三

𠂔西方鹹地也从西省

繫傳此下有𠂔字

象鹽形安定有𠂔

縣東方謂之𠂔西方謂之𠂔凡𠂔之屬皆从𠂔

古郎切

一

注曰𠂔从𠂔籀文西也省字衍。象鹽形鹹地僅

產鹽引申之大原亦曰大鹵釋名地不生物曰鹵
○箋曰鹵鹵古今字爾雅釋言鹵苦也漢書溝洫
志蘇林注引爾雅作鹵地理志鹵縣屬安定郡今
甘肅平涼府固原州之地許引以證西方鹵地也
禹貢青州海濱廣斥故曰東方謂之庌庌卽斥字
漢志作舄鹵戴氏侗曰東南多鹵地不當从西鹵
內象鹽外象盛鹵器與卣同灝謂从西固近鑿然
以爲盛鹵器亦非阮氏鐘鼎款識魯公鼎有𩇛字
卽鹵之古文蓋象鹵地之形从鹵後來之變體耳
阮太傅曰魯東方濱海地多斥鹵故以爲名鹵與
魯通路史國名紀魯鹵也是也鹵之引申爲鹵莽

與鹽引申為鹽裂同意

𩚑 鹹也从鹵聲省聲河內謂之𩚑沛人言若盧昨何切隸

變作𩚑不省

注曰曲禮凡祭宗廟之禮鹽曰鹹醴鄭注大鹹曰
𩚑今河東云按河內河東皆魏地也沛人言若盧
當作讀若邾人言鄆六字邾郡鄆縣字本作鄆其
土音讀在何切𩚑之讀如此也

𩚒 銜也北方味也从鹵咸聲胡幾切

注曰鹹銜疊韻為訓○箋曰北方味者素問陰陽
應象大論水生鹹王冰注凡物之味鹹者皆水氣
之所生也

注曰凡經傳言肇始者皆屮之假借聿於語詞有始義故屮从聿

屮戶牖之間謂之屮从戶衣聲

於豈切

注曰凡室戶東牖西戶牖之中間是曰屮詩禮多假依爲之○箋曰覲禮曰天子設斧依于戶牖之間鄭注依如今綈素屏風也釋名曰屮依也在後所依倚也

屮閉也从戶劫省聲

口奢切

注曰士喪禮注徹帷屮之事畢則下之雜記注旣出則施其屮鬼神尙幽闇也是屮爲褻舉之義與東都賦祛黼帷同疑閉當作開一說屮在開閉之

閒故兼此二義劫省聲疑當作去聲劉昌宗羌據
反○箋曰屨之謂以帶約之故既出則施之施者
弛也解也衣袂謂之祛亦以其可約而上也屨之
義於戶爲閉於帷爲約兩旁褰舉則其中開矣禮
記釋文引字林屨戶臘反閉也按今粵俗以手約
物謂之拉卽屨之義古音去在魚部从去聲之字
如祛祛祛之類皆與屨近也

肩外閉之闕也从戶同聲

古炎切

注曰曲禮入戶奉肩按戶肩蓋以木橫著於戶爲
之機令外可閉者

文十 重一

門聞也从二戶象形凡門之屬皆从門

莫奔切

注曰門聞疊韵爲訓○箋曰聞者內外相聞也

象闔門形也

闔段補闕天門也从門昌聲楚人名門曰閶闔

尺量切

注曰離騷大人賦淮南子西京賦靈光殿賦大象

賦皆云閶闔注皆曰天門也

闔宮中之門也从門韋聲

羽非切

注曰釋宮曰宮中之門謂之闔周禮保氏使其屬

守王闔鄭注闔宮中之巷門

闔闔謂之槁槁廟門也从門詹聲

余廉切

注曰今釋宮檐謂之槁木部槁戶槁也此槁義不

同謂廟門也故闌从門爾雅字當作闌郭以屋梠
釋摘非是○箋曰爾雅檐謂之摘承上文梁稅桴
棖而言則非門審矣郭注不誤此闌字乃檐之異
體不可爲典要因闌从門遂又謂摘爲門耳廟門
無摘之名也

閤巷門也从門玄聲

戶萌切

注曰巷里中道也然則閤猶閤也釋宮衙門謂之
閤郭引左傳盟諸僖閤云閤衙頭門

閤特立之戶上圓下方有似圭从門圭聲

古攜切

注曰釋宮曰宮中之門謂之閤其小者謂之閤

閤門旁戶也从門合聲

古杏切

注曰釋宮曰小閤謂之閤漢公孫宏傳起客館閤
東閤以延賢人師古云閤者小門也東向開之避
當庭門而引賓客以別於掾史官屬也亦有云南
閤者如許沖云臣父故太尉南閤祭酒是也有云
西閤者如晉書衛玠爲太傅西閤祭酒是也唐時
不臨前殿御便殿謂之入閤謂立仗於前殿喚仗
則自東西閤入也凡上書於達官曰閤下猶言執
事也今人乃譌爲閣下

闕樓上戶也从門易聲

徒盍切

注曰齊風傳曰闕門內也許書無闕闕卽今闕字
西京賦說神明臺曰上飛闕而仰眺西都賦說井

榦樓曰排飛闥而上出此二闥皆樓上戶在高處
故名之曰飛○箋曰齊風釋文引韓詩云門屏之
間曰闥是闥不必專指樓上戶名闥乃異文所未
詳也

閤

門也

門段訂作閤

从門干聲汝南平輿里門曰閤

侯肝切

注曰左傳爾雅釋文蕪城賦注玉篇廣韵引皆作
閤至爾雅疏乃譌爲門今正下文曰閤里門也招
魂注閤里也楚人名里曰閤按惟左傳高其閤閤
用爲凡門之偏當許時古語猶存於汝南平輿也
閤里門也从門呂聲周禮五家爲比五比爲閤閤侶
也二十五家相羣侶也

力居切

注曰周制二十五家爲里其後則人所聚居爲里不限二十五家也周禮大司徒職文

閭里中門也从門各聲

余廉切

閭閻或从土

注曰別於閭閻爲里外門也

闔市外門也从門賁聲

胡對切

注曰薛綜西京賦注闔市營也闔中隔門也劉逵蜀都賦注闔市巷也闔市外內門也崔豹古今注市牆曰闔市門曰闔按諸家皆有闔字而許不錄蓋以還環包之市之營域曰環其外門曰闔

闔

段補闔間二字

城曲重門也

曲原本作內今從段正

从門重聲詩曰

出其闔闔

於真切

闕闕也

從門者聲

當孤切

注曰各本無闕闕二字城曲作城內今依詩正義補正鄭風出其闕闕傳曰闕曲城也闕城臺也按有重門故必有曲城其上爲門臺卽所謂城隅也

闕門觀也

從門欬聲

去月切

注曰釋宮曰觀謂之闕此觀上必加門者觀有不
在門上者也在門上者中央闕然左右爲觀曰兩
觀若中央不闕則跨門爲臺禮記謂之臺門左傳
謂之門臺○箋曰闕謂門下道釋名曰闕闕也在
門兩旁中央闕然爲道也段說非闕之引申爲凡
空闕之偁

𠩺 門薄櫨也从門弁聲皮變切

注曰薄櫨柱上枅也

𠩺 門扇也扇繫傳从門介聲胡介切

𠩺 門扇也扇繫傳一曰閉也从門益聲胡臘切

注曰月令乃脩閤扇釋宮闔謂之扉

𠩺 門梱也从門臬聲魚列切

注曰木部梱門槩也相合為一義釋宮廩謂之闔

古者門有二闔二闔之間謂之中門惟君行中門

臣由闔外賈公彥聘禮疏所言是也古文闔作𠩺

○箋曰說詳木部梱下

闔 門櫨也从門或聲論語曰行不履闔于逼切 𠩺 古

文闕从洫

注曰木部楬門限也釋宮曰楬謂之闕楬卽楬字
論語鄉黨篇文古文闕从洫聲此猶大雅毛詩築
城伊減減卽洫之古文韓詩正作洫

闕門高也从門良聲巴郡有闕中縣

來宕切

注曰文選甘泉賦注引作門高大之貌也

闕開也从門辟聲

房益切

開虞書曰闕四門从門从

𠂔

注曰以申爲凡開拓之偁古多假借辟字開下當
依匡謬正俗玉篇補古文闕三字

闕闕門也从門爲聲國語曰闕門而與之言

韋委切

注曰魯語闔門與之言皆不踰闕韋注闕闕也

闕開也从門單聲易曰闕幽切昌善

注曰易繫辭傳文

開張也从門开聲原本作从开今開古文無此

注曰開古音當讀如擥帷之擥由後人讀同闕而

定為苦哀切古文从一象閉从𠂔象手開門○箋

曰段氏开聲褰聲竝入元部故云讀如擥顙謂開

从开聲當入齊部與笄同聲而轉如闕

闕開也从門豈聲切苦亥

注曰本義為開門引申為凡啟導之偁心部曰忻

闕也

闕 大開也从門可聲大栢亦爲闕

大下切

注曰上林賦豁呀豁闕司馬彪云豁呀大貌豁闕空虛也引申爲汎大之稱大栢亦爲闕五字蓋後人所增方言闕栢也其大者謂之闕

闕 開閉門也从門甲聲

烏甲切

注曰謂樞轉軋軋有聲

闕 閉門也从門必聲春秋傳曰闕門而與之言

兵嫌切

注曰闕宮毛傳曰闕閉也鄭云闕神也謂卽祕之假借示部曰祕神也春秋傳見左氏莊三十二年此當是闕而以夫人言之誤闕爲句謂孟任不從也而以夫人言謂莊公以立爲夫人爲辭也

閤所以止扉也从門各聲

古洛切

注曰釋宮曰所以止扉謂之閤郭注門辟旁長檠也引左傳高其閤閤而又云閤長杙卽門檠也按門辟旁長檠者謂門開則邊旁有兩長檠使其止而不過也云卽門檠者謂左傳之閤卽他經之闔兩扉中之檠也是二者皆所以止扉皆謂之閤○箋曰郭景純以止扉之閤爲門旁長檠而又云左傳高其閤閤長杙卽門檠也者謂左傳之所謂閤卽爾雅之門旁長檠也而段氏以爲門旁兩長檠及兩扉中之檠二者皆以止扉似屬誤會左傳本是高其閤閤作閤者字之誤也然門旁長檠之

說亦未知所出門闔後以兩長檠止扉距門楣既遠此兩長檠將安所置之郭說似未確疑別有一木在地承扉以止其移動因謂之闔耳非長檠之謂也又按止扉之闔其物甚微未必緣此專造一字疑闔之字義本謂臺閣文選古詩阿闔三重階李注引尚書中候曰昔黃帝軒轅鳳皇巢阿闔是闔之名甚古因之爲架閣皮闔之稱祕書省謂之祕闔以藏書而名之又爲闔道之義而止扉之木因亦謂之闔耳

闔

隙也

隙原本作隙今從繫傳

从門从月

古閑切

闔

古文闔

原本

作闔今從段正

注曰隙者壁際也引申之凡有兩邊有中者皆謂之隙隙謂之閒凡罅縫皆曰閒閒者少暇也故曰閒暇今人分別其音爲戶閑切或以閑代之閒者隙之可尋者也故曰閒廁曰閒迭曰閒隔曰閒謀今人分別其音爲古莧切釋詁毛傳曰閒代也釋言曰閒倪也人部曰倪閒見也今音皆去聲凡自其單出言之曰閒从門月會意門開而月入門有縫而月光可入皆其意也古文各本體誤今考正與古文恆同中从古文月也

闕門傾也从門阿聲

烏可切

注曰此與上閒篆各字各義或合爲一非也上林

賦說大木之狀曰阮衡闢柯索隱引郭璞云阮衡
闢柯者揭葉傾敵兒也按此闢字當作闢與豁呀
豁闢義不同闢柯讀惡可來可二反玉篇引賦正
作闢

闢 遮攤也从門於聲

烏割切

注曰遮者遏也攤者復也古書壅遏字多作攤闢
讀烏割切於雙聲取音爾雅歲在卯曰單闢讀蟬
薦○箋曰荀子禮論篇抗折其類以象稷茨番闢
也楊注闢謂門戶壅闢風塵者漢書召信臣傳起
水門提闢顏注闢所以壅水按此从門之義也

闢 開閉門利也从門絲聲一曰縷十紃也

旨沈切

注曰今俗語云自由自便當作此字絲當作繇今
正許無繇字按此篆當音由唐韵乃旨沈切未詳
絃字有譌絃者冠卷非其義疑當作總漢律曰綺
絲數謂之綖布謂之總總者謂布縷之數八十縷
爲一總卽禾部之稷禮經之升也縷者麻綫也

闔門聲也从門曷聲

乙鎔切

注曰駱駝鳴聲闔字當作闐

闐門響也从門鄉聲

許亮切

注曰響疑當作鄉鄉者今之向字門鄉者謂門所
向釋宮兩階閒謂之鄉集韵四十一漾引作闐

闐門遮也从門束聲

洛干切

注曰謂門之遮蔽也俗謂槩檻爲闌引申爲酒闌
字於遮止義演之也

闌也从門中有木戶閒切

注曰引申爲防閑古多借爲清閑字又借爲嫻習
字从門中有木會意○箋曰門中有木亦指事也

闌也从門句才所以距門也博計切

注曰左傳高其閑闌疑閑乃閉字之誤才不成字
當云才象所以距門之形乃合而無象形之云則
當是合二字會意攷王逸少書黃庭經三用闌字
卽今閉也而中从午蓋許書本作从門午春字下
曰午杵省也距門用直木如杵然轉寫失真乃昧

其本始耳。○箋曰：段既以才爲形，而許不言象形，既謂才不成字，而又云合二字會意，且以爲左傳之閉乃閉之譌，而閉从才，又爲从午之譌，實不知其所謂。鈕云：漢魯峻碑作閉，王書閉字乃晉時別體，未必許書从午是也。灝按：李陽冰云：才象木斫伐之餘，此卽閉从才之意。

關

外閉也从門亥聲

五溉切

注曰：有外閉則爲礙。

闔

閉門也从門音聲

烏紺切

注曰：借以爲幽暗字。

闔

以木橫持門戶也从門𠂔聲

古還切

注曰通俗文作機引申之凡曰關閉曰機關曰關
白曰關藏皆是

關關下牡也从門雋聲以灼切

注曰關下牡者謂以直木上貫關下插地漢書所

謂牡飛牡亾者此也月令曰脩鍵閉慎管籥鄭注

鍵牡閉牡也管籥搏鍵器也

闐盛兒从門眞聲待季切

注曰謂盛滿於門中之兒也詩曰振旅闐闐孟子

作填玉藻盛氣顛實假顛爲闐也

闐闐盛兒从門堂聲徒郎切

注曰揚雄賦西馳闐闐假闐爲闐大司馬注鼓聲

不過閤假閤爲閤閤卽鼓部之鑿也鑿聲不過閤
關卽鼓部之鑿也

閤豎也宮中奄閤閉門者从門奄聲

其廉切

注曰周禮注奄精氣閉藏者今謂之宦人也故从奄○箋曰此言宮中宦人司閤者名閤也

閤常以昏閉門隸也从門从昏昏亦聲

呼昆切

注曰周禮閤人王宮每門四人圍游亦如之鄭注閤人司昏晨以啟閉者荆人墨者使守門按古閤與勳音同易厲閤心馬作熏荀以熏爲動而易爲動漢光祿勳卿一人胡廣曰勳猶閤也主殿宮門戶之職

闕閃也从門規聲

去陸切

注曰此與窺義別窺小視也○箋曰易闕觀以闕

爲窺

闕闕頭門中也从人在門中

此篆從段自後移前失并切

注曰禮記魚鮪不淪注淪之言閃也从人在門中

會意○箋曰後漢書趙壹傳注閃榆傾佞之貌禮

運正義曰閃是忽有忽無故字从門中人也按忽

有忽無今義也

闕妄入宮掖也从門絲聲讀若闕

洛干切

注曰漢書成帝紀闕入尙方掖門應劭曰無符籍

妄入宮曰闕師古曰掖門在兩旁如人臂掖也按

此以闌爲闕之假借字

門登也从門二三古文下字讀若軍敵之敵

直从切

注曰臣鉉等曰下言自下而登上也故从下按从門二當作从門二篆當作兩篇韵圖字可證从此爲聲者有閔閔蘭○箋曰戴氏侗亦曰徐本从下唐本从上

閔具數於門中也从門說省聲

弋雪切

注曰具者供置也數者計也周禮大閔注簡軍實也左氏春秋大閔傳曰簡車馬也引申爲閱歷又引申爲明其等曰閔積其功曰閔

闕事已閉門也从門癸聲

傾雪切

注曰引申爲凡事已之偁詩俾民心闕傳曰闕息

也禮記有司告以樂闕

闕望也从門敢聲

苦盭切

注曰望者出𠂔在外望其還也望有倚門倚閭者故从門大雅闕如虓虎謂其怒貌

闕疏也从門湑聲

苦括切

注曰去部疏通也闕之本義如是不若今義訓爲廣也。箋曰今義謂廣卽疏闕之引申

闕弔者在門也从門文聲

肩殂切

闕古文闕

注曰引申爲凡痛惜之辭俗作憫擗風觀闕旣多幽風鬻子之闕斯傳曰闕病也古文篇韵不載恐

不足據小徐篆作𨵿然則大徐上體从古文民今
寫譌甚汗簡正从古文民

闕馬出門兒从馬在門中讀若彬

升禁切

注曰引申爲突兀驚人之辭公羊傳曰開之則闕
然公子陽生也何云闕出頭兒韓退之詩喁喁魚
闕萍許讀平聲今去聲俗語轉若枓

文五十七 重六

闕市垣也从門𨵿聲

戶闕切

鈕曰文選西京賦通闕帶闕萍綜云闕市營也闕
中隔門也崔豹古今注曰市牆曰闕市門曰闕接
闕卽營之別體

闕門也从門達聲

他達切

鈕曰詩東方之日在我闕兮毛傳闕門內也釋文

引韓詩云門屏之間曰闕按文選東京賦複廟重

屋八達九房據此知闕通作達漢碑已有闕

閑闕闕高門也从門亢聲

苦浪切

鈕曰閑通作伉詩絲枲門有伉毛傳伉高貌釋文

伉本又作亢韓詩作閑云盛貌

闕闕自序也从門伐聲義當通用伐

房越切

鈕曰闕通作伐左成十三年傳郤至驟僭其伐闕

杜注云所踐歷也又漢書田千秋傳無伐闕功勞

師古曰伐積功也闕經歷也是闕通作伐○箋曰

漢書朱博傳齋伐閱詣府蓋謂紀功簿籍也今字
閱从門者蓋因閱而增之唐宋以後遂於門外作
二柱謂之烏頭閱閱見無府元龜戴氏侗曰今品
制有爵者其門爲烏頭閱閱

闕靜也从門昊聲

苦昊切

鈕曰易豐上六闕其無人釋文闕徐苦鵬反姚作
閱孟子作室竝通錢先生云許君不收此字蓋依
孟易作室也室訓爲空猶亂訓治徂訓存樹玉謂
闕形與閱相近疑闕之譌。箋曰此蓋亦許遺之
耳

文五

新附

耳主聽也

聽下段

象形凡耳之屬皆从耳

而止切

注曰凡語云而已者急言之曰耳凡云如此者急

言之曰爾如世說云聊復爾耳謂且如此而已也

二字音義絕不容相混而唐人至今譌亂至不可

言耳之音轉讀爲仍如耳孫亦曰仍孫是也○箋

曰爾古音奴禮切聲轉爲乃亦爲甯故乃通作仍

爾耳聲相近故耳孫謂之仍孫也古篆蓋作象

耳輪郭及竅之形借爲語詞

耳

耳垂也从耳下垂象形春秋傳曰秦公子輒者

段輒

訂作

其耳下垂故以爲名

陟葉切

注曰左傳秦無公子凡惟鄭七穆子良之子公孫

輒字子耳蓋古本左傳作公孫耶

聑小垂耳也从耳占聲

丁兼切

聑耳大垂也从耳尤聲詩曰士之耽兮

丁含切

注曰淮南墜形訓夸父耽耳在其北高注耽耳耳垂在肩上耽讀衣褶之褶或作攝以兩手攝其肩之耳也按許書本無瞻字耽卽瞻也今本於耽篆之外沾一瞻篆誤矣詩衛風氓文假爲媿字女部媿樂也○箋曰耳垂在肩上當以儻荷爲義故又作儻舊音褶或作攝者蒙耶之音義耳非兩手攝之之謂也

聑耳曼也从耳甘聲

他甘切

聑耳或从甘

注曰曼如曼膚之曼史記老子列傳姓李氏名耳
字聃索隱老子音義後漢書桓帝紀注文選游天
台山賦注所引皆如此今本史記作字伯陽諡曰
聃淺人妄改者也字伯陽見唐固國語注

瞻垂耳也从耳詹聲南方瞻耳之國

都甘切

注曰古祇作耽一變爲瞻耳再變則爲僭耳矣○
箋曰左氏桓五年傳祝聃射王史記鄭世家作祝
瞻今本史記瞻誤从木蓋瞻者耽之別體而通作
聃段以爲淺人妄增非也

聃

耳簪頰也

从耳

𦏧省聲

𦏧繫傳作𦏧

杜林說聃光也从

光聖省

繫傳此下有聃字

凡字皆左形

右聲杜林非也

古杏

切

注曰耳箸於頰曰耿耿之言黏也凡云耿者謂專
壹也杜林說皮傅耿光而非字義徐鍇曰末十一
字或後人所加○箋曰耳箸頰蓋倚枕而臥之意
然其語未完疑有佚奪炷省炯省皆非是聖省尤
不足辨段說亦未得之明魏校六書精蘊曰耿者
不寐而耳熱也與煩同意此說正與耳箸頰意相
協邶風耿耿不寐如有心憂當如此解廣雅云耿
耿不安也亦其意凡言耿光及耿耿小明也皆炯
之假借楚辭遠游篇夜炯炯而不寐王注引詩耿
耿不寐文選顏延年登巴陵城樓詩炯介有明淑

李注炯與耿同是也炯介猶耿介也

絲連也从耳耳連於頰也从絲絲連不絕也

力延切

注曰周人用聯字漢人用連字周禮官聯以會官

治鄭注聯讀爲連古書連作聯

聊耳鳴也从耳卯聲

洛蕭切

注曰楚辭曰耳聊啾而憺憺王注聊啾耳鳴也此

聊之本義故字从耳若詩泉水傳云聊願也鄭箋

云聊且略之辭也方言曰俚聊也戰國策民無所

聊此等義相近皆假聊爲謬也謬者慘賴也又詩

傳椒聊椒也不言聊爲語詞蓋單評曰椒案評曰

椒聊楚辭亦云懷椒聊之諛諛爾雅曰枏者聊枏

卽裝也

聖通也从耳呈聲

式正切

注曰擲風母氏聖善傳云聖叔也周禮六德教萬民智仁聖義忠和注云聖通而先識洪範曰睿作聖凡一事精通亦得謂之聖聖从耳者謂其耳順風俗通曰聖者聾也言聞聾知情按聲聖字古相假借

聰察也从耳悤聲

倉紅切

注曰察者覈也聰察以雙聾爲訓

聦聆也从耳亮聲

他定切

注曰凡目所及者云視如視朝視事是也凡目不

能徧而耳所及者云聽如聽天下聽事是也从耳
惠會意壬聲耳惠者耳有所得也○箋曰耳主聽
故从耳惠惠猶職也

聆聽也从耳令聲

郎丁切

注曰匡謬正俗載俗語云聆瓦聆者聽之知微者
也

職記微也从耳戠聲

之弋切

注曰記猶識也纖微必識是曰職凡言職者謂其
善聽也釋詁曰職主也

聒謹語也从耳昏聲

古活切

注曰謹者謹也

聒張耳有所聞也从耳禹聲

王矩切

注曰廣雅曰驚也

聲音也从耳聲聲聲籥文磬

書盈切

注曰聲音渾言之也析言則曰生於心有節於外謂之音宮商角徵羽聲也絲竹金石匏土革木音也○箋曰樂記曰聲成文謂之音然則宮商角徵羽音也絲竹之類聲也故記又曰知聲而不知音者禽獸是也

聞知聞也

聞繫傳作聲

从耳門聲

無分切

古文从昏

注曰往曰聽來曰聞大學曰心不在焉聽而不聞引申之爲令聞廣譽

聾訪也从耳聾聲

匹正切

注曰汎謀曰訪按女部嫖問也二字義略同

聾無聞也从耳龍聲

慮紅切

聾生而聾曰聾从耳從省聲

息拱切

注曰方言聾聾也生而聾陳楚江淮之間謂之聾

荆揚之間及山之東西雙聾者謂之聾又古多假

聾爲聾方言曰聾悚也又曰聾欲也荆吳之間曰

聾自關而西秦晉之間相勸曰聾中心不欲而由

旁人之勸語亦謂之聾

聾益梁之州謂聾爲聾秦晉聽而不聰

聰原本作聞今從毛本

聞而不達謂之聾从耳宰聲

作亥切

注曰方言曰聵聵也半聵梁益之閒謂之聵秦晉之閒聽而不聰聞而不達謂之聵

聵聵也从耳貴聲

五怪切

聵聵或从𪛗

注曰國語曰聵聵不可使聽韋云耳不別五聲之和曰聵生而聵曰聵許書𪛗聲之字三而逸𪛗篆

○箋曰𪛗疑是譌體說見艸部𪛗下

聵

無知意也从耳出聲讀若孽

五滑切

注曰方言曰聵之甚秦晉之閒謂之聵郭注言聵無所聞知也疑方言之正文本作謂之聵今本譌

聵吳楚之外凡無耳者謂之聵言若斷耳為盟从耳

聵聲

五滑切

注曰方言曰吳楚之外郊凡無耳者謂之矐其言矐者若秦晉中土謂墮耳者矐也按斷耳卽墮耳盟當作矐字之誤也

𦍋

墮耳也从耳月聲

此篆從段自後移前魚厥切

注曰方言說見前

聃

軍法以矢貫耳也从耳从矢司馬法曰小罪聃中

罪刑大罪到

恥列切

注曰从耳矢會意

聃

軍戰斷耳也春秋傳曰以爲俘聃从耳或聲

古獲切

聃聃或从首

注曰大雅攸馘安安毛傳馘獲也不服者殺而獻

其左耳曰馘春秋傳左氏成三年文

磨

乘輿金耳也

原本作金馬耳今從段刪正

从耳麻聲讀若泚水

一曰若月令靡艸之靡

公彼切

注曰金耳俗作金飾馬耳舊本作金馬耳今依廣韻正乘輿者天子之車也金耳者金飾車耳也西京賦戴翠帽倚金較崔豹古今注曰車耳重較也史記禮書彌龍徐廣曰乘輿車金薄繆龍爲輿倚較繆者交錯之形車耳刻交錯之龍飾以金惟乘輿爲然與文虎伏軾龍首銜輓畫爲三事史記之彌卽許之靡靡者本字彌者同音假借字淺人不得其解乃妄改而不可通矣靡非人耳也故其字

殿焉

𠂔國語曰回祿信於𠂔遂闕

巨今切

注曰國語今見周語韋注𠂔遂地名宋庠音禽後漢書楊賜傳引作黔遂說苑引作亭遂竹書帝癸三十年作𠂔隧災是其字从令从今不可定許書此篆或後人所偶記

𠂔安也从二耳

丁帖切

注曰長笛賦瓠巴聃柱从二耳會意二耳之在人首帖妥之至者也凡帖妥當作此字帖其假借字也

𠂔附耳私小語也从三耳

尼輒切

注曰口部聶語也二篆皆會意以口就耳則爲聶聶者已二耳在旁彼一耳居閒則爲聶史記魏其武安傳曰乃效女兒咕聶耳語韋曰咕聶附耳小語聲○箋曰段說三耳之義殊穿鑿愚謂聶从三耳者審聽之意耳

文三十二

重四

繁傳本增矐爲矐之重文則其重五而仍作重四其

上都數則云三十三或自爲一篆而誤併於矐附識於此

精不聽也从耳敖聲

五交切

鈕曰詩板我卽爾謀聽我聶聶毛傳聶聶猶聶聶也聶卽聶之俗字

文一

新附

𠂔 頤也象形凡𠂔之屬皆从𠂔與之切 𠂔 篆文𠂔

𠂔 籀文从首

注曰此文當橫視之序卦傳曰頤者養也○箋曰口上曰頤下曰頤合上下言之曰頤連頰旁曰輔自內而言則上為谷下為函牙車謂之輔車从口建類曰象形

𠂔 廣𠂔也从𠂔已聲與之切 𠂔 古文𠂔原本作𠂔誤今從繫傳

从戶

注曰廣頤曰𠂔引申為凡廣之偁周頌昊天有成命傳曰緝明也熙廣也熙乃𠂔之假借熙从火其義訓燥不訓廣也毛傳於文王曰緝熙光明也與

昊天有成命傳不同而敬之傳曰光廣也然則光
卽廣二傳義本同不得如鄭箋云廣爲光字之誤
也○箋曰光廣古字通段說近贅方言曰配長也
郭注謂壯大也大與廣同義古文凡與砌同廣韵
鉏里切書顧命夾兩階凡傳堂廉曰凡文選西京
賦金凡玉階李注引廣雅凡砌也古通作切西都
賦元墀鉏砌後漢書班固傳作切切砌相承增偏
旁凡當入戶部誤廁於此

文二 重三

𠂔 拳也象形凡手之屬皆从手

書九切

𠂔 古文手

注曰今人舒之爲手卷之爲拳其實一也故以手

言部二
拳互訓○箋曰拳从𠂔聲當是握手之義許渾言
之耳𠂔象指掌之形小篆中畫微曲書勢取茂美
也引申之手持物曰手如公羊莊十二年傳手劒
而叱之是也

𠂔手中也从手尙聲

諸兩切

注曰凡周禮官名掌某者皆奉持之義

𠂔將指也从手母聲

莫厚切

注曰大射禮右巨指鉤弦鄭注云右巨指右手大
擘也又說決朱極三注云三者食指將指無名指
小指短不用左傳定十四年闔閭傷將指取其一
履杜注其足大指見斬遂失履易咸初六咸其拇

馬鄭薛虞皆云拇足大指也合三經而言之手以
中指爲將指爲拇足以大指爲將指爲拇此手足
不同稱也○箋曰手足不應異名許以拇爲將指
卽大指也因之足大指亦謂之拇段說失之大射
設決朱極三謂大指食指中指鄭以中指稱將指
而併計無名指非也無名指於射無所用之

𢦏 手指也从手旨聲

職知切

注曰手非指不爲用假借爲悁心部悁意也

𢦏 手也从手失聲

丑員切

注曰卷之爲拳故檀弓曰執女手之拳然○箋曰
戴氏侗曰引之爲拳拳之義言其握固弗舍也中

庸曰得一善則拳拳服膺而弗失之矣

𦣻手擊也揚雄曰擊握也从手𦣻聲

鳥貫切

注曰士喪禮設決麗于擊注云𦣻手後節中也按肘以上爲前節肘以下爲後節後節之中上爲臂下爲擊也俗作挽左傳涉佗投衛侯之手及挽非古字也揚雄說蓋倉頡訓纂篇中語此別一義凡史漢云搯擊扼腕者皆疊字言持手游民也○箋曰肘上下節通謂之臂故掖偃臂掖下文掣人臂兒言自上而下漸殺也析言則下節謂之擊段說非是搯擊亦非疊字言無所事空搯其擊而行耳

懣好手兒詩曰攢攢女手从手鐵聲

所咸切

注曰魏風葛屨摻摻女手傳曰摻摻猶纖纖也其字本作攢俗改爲摻非是遵大路傳曰摻摻也是摻字自有本義孔氏正義引說文摻參此音反聲訓爲斂操桌此遙反聲訓爲奉也是唐初說文確有摻字之證自淺人摻操不分而奪摻篆耳○箋曰參與桌艸書相亂說具米部糝下若許書之果有摻篆與否則未敢必也

𢦏

人臂兒从手𢦏聲周禮曰輻欲其掣

繫傳下有爾字所角切

注曰考工記輪人曰望其輻欲其掣爾而纖也鄭注掣纖殺小兒也鄭司農讀爲紛容掣參之掣元謂如桑螵蛸之蛸按紛容掣參出上林賦○箋曰

繫傳曰人臂稍長纖好也廣韵色交色角二切

𢶏 𢶏也一曰握衣升堂从手區聲

口侯切

注曰糸部縞綌紉也與握義絕遠疑是矯字之譌
矢部曰矯揉箭箝也握之義爲矯枉曲禮握衣趨
隅握提也○箋曰縞疑當爲握下文握舉手也

𢶏 握衣也从手褰聲

去虔切

注曰高注淮南曰褰縮也按詩言褰裳當作此褰
訓綌非其義也亦有作褻者謂虧其下體之衣較
作褻爲長此褰當云从手衣寒省聲○箋曰此古
通作褻相承增手旁耳

𢶏 舉手下手也从手壹聲

於計切

注曰此當作捧舉首下手也今正西京賦注玉篇
引說文有拜字左傳成十六年釋文引字林舉首
下手皆是也凡不跪不爲拜跪而舉其首惟下手
手是曰肅拜周禮九拜先鄭注云肅拜但俯下手
今時擡是也鄭注少儀曰肅拜拜不低頭也正與
舉首下手合今本說文旣譌而少儀注又刪不字
作拜低頭乃終古昧其禮矣○箋曰舉手下手者
言舉其手俯而下之耳字林誤作舉首段氏偏信
之又自增少儀注而以今本無不字者爲人所刪
大爲紕繆其云不跪不爲拜則尤非禮經言拜者
多矣若每拜必跪不勝其煩且主人迎賓於大門

外亦皆跪而再拜豈復成禮容乎今按閻氏若璩
曰古之拜今之揖論語拜而受之一揖也再拜而
送之兩揖也古之揖今之拱手論語揖所與立上
如揖是也卽肅拜也覲禮北面再拜稽首乃頭一
至地其說最爲覈覈段注下文擗篆說九拜亦頗
詳贍而於此猶未達蓋泥於足部跪者所以拜也
之訓而忘乎立拜之儀耳餘詳通介堂經說又按
據先鄭注是擗卽揖字

揖攘也从手耳聲一曰手箸臂曰揖

伊入切

注曰鄭注周禮司儀云土揖推手小下之也時揖
平推手也天揖推手小舉之也按手箸臂曰揖別

一義禮經有揖有厭厭一涉切推手曰揖引手曰厭如鄉飲酒主人揖先入此用推手也賓厭眾賓此用引手也今文厭皆作揖

攘推也从手襄聲

汝羊切

注曰古推讓字如此許云讓者和貴讓也漢書禮樂志盛揖攘之容藝文志堯之克攘司馬遷傳小子何敢攘皆用古字凡退讓用此字引申之使人退讓亦用此字如攘寇攘夷狄是也

拑斂手也从手其聲

居竦切

注曰尚書大傳曰拱則抱鼓皇侃論語疏曰拱胥手也按九拜皆必拱手而至地立時敬則拱手如

論語子路拱而立玉藻臣侍於君垂拱是也吉時
拱尙左手喪時拱尙右手古文假借作共鄉飲酒
禮注共拱手也又尙書大傳注兩手搯之曰拱然
則桑穀一暮大拱孟子拱把之桐梓皆非沓手之
拱拱之小者也趙岐云合兩手徐錯云兩手大指
頭相拄

𢶏拱也从手𢶏聲

良并切

注曰凡斂手空作此字

𢶏首至手也

手原本作地今從段正

从手𢶏

原本有𢶏音忽三字據繫傳乃楚金

說誤入正文今刪搏怪切

𢶏揚雄說拜从兩手下𢶏古文

拜

注曰各本作首至地也今正首至地謂稽首拜中之一不可該九拜拜之名生於空首故許言首至手周禮之空首他經謂之拜手鄭注曰空首拜頭至手所謂拜手也足部曰跪者所以拜也既跪而拱手而頭俯至於手與心平是之謂頭至手荀卿子曰平衡曰拜是也稽首者拜頭至地也既跪而拱手下至於地而頭亦下至於地荀卿所謂下衡曰稽首是也頓首者拜頭叩地也既跪而拱手下至於地而頭不徒下至地且叩觸其額是之謂頓首荀卿所謂至地曰稽顙也凡言拜手稽首者先空首而後稽首也言拜而後稽顙者先空首而後

頓首也言稽顙而後拜者先頓首而後空首也空首稽首頓首三拜爲經振動吉拜凶拜奇拜褒拜肅拜爲緯振動者戰栗變動之拜有不必爲此三拜而爲此三拜者也吉拜者拜之常也當拜而拜當稽首而稽首是也凡稽首未有用於凶者也凶拜者何也拜而後稽顙稽顙而後拜皆是也凡頓首未有不用於凶者也奇拜者一拜也一稽首一頓首亦是也簡少之詞也褒拜者拜不止於再也稽首頓首不止於再也亦是也多大之詞也肅拜者婦人之拜不低頭者也總計之曰九拜凡云拜手者頭至手故其字从手舉見本部疾也徐鍇云

从來者言進趨之疾

搯搯也从手官聲一曰援也

烏括切

注曰搯乃複舉字誤移搯下義與挾略同今人剗字當作此○箋曰此云搯搯也下云搯搯也二字互訓此搯下搯字誤衍

搯搯也从手留聲周書曰師乃搯搯者拔兵刃以習

擊刺詩曰左旋右搯

土刀切

注曰魯語公父文伯母戒文伯之妾曰無洵涕無搯膺韋注搯叩也膺臂也尙書大傳師乃搯鄭云搯喜也此今文太誓也許所僞作搯古文太誓也詩鄭風清人文搯當作搯今正搯或作抽搯與抽

同凡引經說字不必見本字此引抽證搯耳○箋
日詩釋文云抽說文作搯今本不誤段改非是

𢶏

搯也从手𢶏聲

居竦切

注曰此篆已見𢶏部爲𢶏之或字此淺人所增刪
之可也

排

排也从手佳聲

他回切

𢶏

推也从手交聲春秋傳曰按衛侯之手

子寸切

注曰今六脂十五灰殊其音義古無二音二義也
注曰按調排擠也春秋傳左氏定八年文傳曰將
歃涉佗按衛侯之手及挽此謂衛侯欲先歃涉佗
執其手卻之也左傳音義子對反

排擠也从手非聲

步皆切

注曰今義列也

擠排也从手齊聲

子計切

注曰左傳知擠于溝壑矣杜云隊也隊今之墜字謂排而墜之也商書微子作擠引左傳亦作擠擠者擠之俗

擠擠也从手氏聲

丁禮切

注曰排而相距也

摧擠也从手崔聲一曰捫也一曰折也

昨回切

注曰釋詁毛傳皆曰摧至也卽抵之義也自推至摧六篆同義捫者推引也折者斷也今此義行而

上二義廢矣詩室人交徧摧我毛傳摧沮也此折之義也

𢵿 摧也从手立聲盧合切

注曰公羊傳協榦而殺之何曰協折聲也按協亦作拉此上文摧一曰折也之義

𢵿 摧也从手聖聲則臥切

注曰此亦上文摧一曰折也之義考工記揉牙內不挫鄭注挫折也詩乘馬在廐摧之秣之毛傳摧挫也鄭箋挫今莖字也傳箋今本譌舛今正之如是

扶 左也从手夫聲防無切 古文扶

注曰左俗本改作佐非左下曰手相助也

𢦏 扶也从手𠂔聲七良切

注曰古詩好事相扶將當作將字之假借也

𢦏 握也从手寺聲直之切

𢦏 縣持也从手𠂔聲苦結切

注曰縣系也下文云提挈也皆謂縣而持之也今

俗語云挈帶

𢦏 脅持也从手甘聲巨淹切

注曰謂脅制而持之也凡脅之為制猶膺之為當

也鬼谷子有飛鉗鉗卽𢦏字

𢦏 閱持也从手某聲今折切

注曰閱者具數也更迭數之也匹下曰四丈也从
八乚八揲一匹按八揲一匹五五數之至於八五
則四丈矣繫辭傳揲之以四以象四時謂四四數
之至若干四則得其餘矣几傳云三三兩兩十十
五五者皆放此

𢦏

握持也从手从執脂利切

注曰周禮六贊字許書作𢦏又鳥部鷖鳥字皆或
假𢦏爲之

操

把持也从手卓聲七刀切

注曰操重讀之曰節操曰琴操皆去聲

𢦏

爪持也从手瞿聲居玉切

注曰徐鈔等曰今俗別作掬按本部自有鉤篆掬其俗體耳其義訓兩指撮非訓爪持

切正。

433

禁 檢或从禁

注曰古假借作禽俗作擒走獸總名曰禽者以其
爲人所擒也此解五字當作急持也一曰持衣衿
也九字乃合

切補各

注曰索持謂摸索而持之也周禮環人搏謀賊釋文云搏音博又房布反劉音付按小司徒注之伺捕盜賊卽士師法之司搏盜賊也古捕盜字作搏今則捕行搏廢但訓爲搏擊矣若考工記之搏埴

虞書之拊搏則拊之假借一曰至也別一義蓋搏亦爲今之附近字左傳作傳

據杖持也从手康聲

居御切

注曰杖持謂倚杖而持之也杖者人所據則凡所據皆曰杖據或作据是假借拮据字

引持也从手聶聲

書涉切

注曰引持謂引進而持之也凡云攝者皆整飭之意論語攝齊史記侯生攝弊衣冠詩攝以威儀傳曰言相攝佐者以威儀也論語官事不攝注云攝猶兼也皆引持之意

拊并持也从手井聲

他合切

注曰禾部秉持一禾兼持二禾兼者會意字拊者
形聲字拊與兼音略同

搨

持也从手布聲

普胡切

注曰搨持謂搨按而持之也金部鋪下云簪門搨
首也搨首人所搨摸處也

挾

俾持也从手夾聲

胡煩切

注曰亦部夾下曰盜竊褻物也俗謂蔽人俾夾然
則俾持正謂藏匿之持如今人言懷挾也孟子曰
挾貴挾賢挾長挾有勳勞挾故皆本義之引申各
本篆體从二人今正从二入○箋曰亦部夾失母
切與懷挾字音義各別段說牽混又此篆體本皆

音胡頰切今改从亦部之夾則失懷挾字矣

捫 撫持也从手門聲詩曰莫捫朕舌莫奔切

注曰撫安也一日捫也詩大雅抑文傳曰捫持也

○箋曰戴氏侗曰古無摸字卽捫也捫摸一聲之

轉其義一也灝按搔摩亦作搔摸摸卽摩之聲轉

耳

𢦏 振持也从手監聲盧敢切

注曰謂總振而持之也

攬 理持也从手巔聲良涉切

注曰謂分理而持之也

握 搯持也从手屋聲於角切 𢦏 古文握

注曰下文云揜一曰握也淮南詮言訓臺無所鑒
謂之狂生高注臺持也合文選任彥昇哭范僕射
詩注及今本淮南子可得其實矣倣真訓曰其所
居神者臺簡以游大清此臺亦疑臺之誤○箋曰
古文上體卽手字下亦屋字

𢦏提持也从手單聲讀若行遲驪驪

徒旱切

注曰提持猶縣持也太元揮繫其名揮訓觸別一
義驪驪蓋卽詩之嘽嘽駱馬傳曰嘽嘽喘息之兒
馬勞則喘息

𢦏握也从手巴聲

搏下切

注曰孟子趙注拱合兩手也把以一手把之也○

箋曰戴氏侗曰弓拊之屬手所把為把必駕切別作弣猶秉之為柄也

搨把也从手搨聲

於革切

搨搨或从尾

注曰喪服苴經大搨鄭注搨扼也中人之扼圍九寸此言中人滿手把之其圍九寸則其徑約計三寸也扼今隸變作扼

挈

原本篆作挈今從段正切

牽引也从手如聲

如原本作奴女加切今從段正女居

注曰各本篆作挈解作奴聲別有挈篆解云持也从手如聲女加切二篆形體互譌今正挈字見於經者僖元年獲莒挈三傳之經所同也其義則宋

玉九辯曰枝煩拏而交橫王注柯條糾錯而崩疑
招魂稻粢穠麥拏黃梁些王注拏糅也王逸九思
殺亂紛拏注君任佞巧競疾忠信交亂紛拏也左
思吳都賦攢柯拏莖李注曰許慎注淮南子云拏
亂也凡若此等皆於牽引義爲近而漢霍去病傳
昏漢匈奴相紛拏此與九思紛拏同謂漢與虜相
亂也而師古注乃云紛拏亂相持搏也以亂釋紛
以相持搏釋拏大非語意竊意其時說文已同今
本故顏從而傳會耳蓋其字本如聲讀女居切其
義爲牽引廣韵九魚拏注牽引未嘗作拏說文拏
訓持卽今所用攖拏字也其字奴聲讀女加切廣

韵麻韵挈拏兩收淆亂其義玉篇有拏無挈訓爲持也乃同今本說文孫強輩所改耳小徐本有一曰已也四字○箋曰疑挈拏同字因聲之輕重而別之實一義相生耳然就今本而論自以段說爲長故從之鈕云一曰已也韵會作巴巴當同把

攬提也从手𢦏聲

戶圭切

注曰古多假爲攬字

提挈也从手是聲

杜兮切

注曰挈者縣持也攬則相竝提則有高下而互相

訓者渾言之也

𢦏拈也从手𢦏聲

丁愜切

拈 扞也从手占聲

奴兼切

注曰篇韵皆云指取也○箋曰鈕云廣韵取下有

物字

撝 舒也从手离聲

升知切

注曰蜀都賦撝藻按天庭魏都賦撝翰則華縱春

葩太元經幽攤萬類字作攤

捨 釋也从手舍聲

書治切

注曰釋者解也經傳多假舍爲之

壓 一指按也从手厭聲

於協切

注曰洞簫賦挹拊掀擗莊子外物摩其噦一作壓

南都賦彈琴振箏按掀擗皆同摩

摭下也从手安聲

烏肝切

注曰以手抑之使下也印部曰抑按也

控引也从手空聲詩曰控于大邦匈奴名引弓曰控

弦

曰字依後補苦貢切

注曰引者開弓也引申之爲凡引遠使近之稱詩控于大邦傳曰控引也此卽左傳所謂控告也又抑磬控忌傳曰騁馬曰磬止馬曰控詩載馳文羽獵賦注引說文匈奴名引弓曰控弦今訂正○箋曰西都賦注引亦有曰字

拊摩也从手盾聲

食尹切

注曰廣雅曰拊順也廣韻曰手相安慰也今人撫

循字古蓋作循循者行順也淮南曰引循萬物高

注引循拔擢也讀允恭之允

緣也从手豕聲

以絹切

注曰緣者衣純也既夕禮主飾衣領袂口曰純引
申爲凡黃緣邊際之屬緣者緣其邊際而陳掾也
陳掾猶經營也漢官有掾屬止曰掾副曰屬漢舊
注東西曹掾比四百石餘掾比三百石此等皆輔
翼其旁者也故曰掾

拊也从手百聲

普百切

注曰釋名曰拍搏也手搏其上也○箋曰戴氏侗
引說文作拍玉篇拍拊也又拊擊也似作拍爲是

拊 搯也从手付聲

切芳武

注曰古作拊搯今作撫循堯典擊石拊石拊輕擊

重故又言之

拊把也今鹽官入水取鹽為拊从手音聲

父溝切

注曰把當作杷今正木部杷收麥器也引申為凡用手之偏史漢皆言拊視得鼎師古曰拊手杷土也大雅曰曾是拊克傳曰拊克自伐而好勝人也定本拊作倍釋文云拊克聚斂也六書故引唐本作桴也不若顏氏本作杷百官志注引胡廣曰鹽官拊坑而得鹽

桴 取易也从手孚聲

郎括切

注曰受部𠂔五指𠂔也𠂔則訓取易而義不同○
箋曰𠂔𠂔本一字相承增偏旁許以𠂔从受而𠂔
从手故分屬二部耳

𠂔理也从手𠂔聲

洛蕭切

注曰當作理之也之字依元應書卷十五補○箋
曰一切經音義卷十五竝無𠂔理之文惟卷十四
曰通俗文云理亂謂之𠂔說文云𠂔理也謂𠂔𠂔
整理也今多作料量之料按所引說文𠂔下無理
之字又卷十六引亦無此段氏偶誤

措置也从手𠂔聲

倉故切

注曰立之爲置捨之亦爲置措之義亦如是經傳

多以錯爲之賈誼傳假厝爲之

插刺內也

內原本作肉今從繫傳正

从手从雨

楚洽切

注曰內者入也刺內者刺入也漢人注經多假捷

字拔字爲之○箋曰玉篇插刺入也

掄擇也从手侖聲

盧昆切

注曰晉語君掄賢人之後有常位於國者而立之

車注掄擇也周禮凡邦工入山林而掄材不禁鄭

注掄猶擇也

擇柬選也从手睪聲

丈伯切

注曰小徐本作簡選乃是譌字韵會作揀乃是俗

字

捉搯也从手足聲一曰握也

側角切

注曰上文握持也○箋曰握猶搯也不應別爲一義蓋淺人因俗用捉爲捕捉字而增一曰握也四

字

𢦏捉也从手益聲

於革切

注曰叟敬傳曰搯其亢拊其背揚雄傳曰搯熊羆捉豪豬搯其咽抗其氣皆謂捉持之師古曰搯與

扼同依許則音雖同而義迥別也

𢦏長也从手从延延亦聲

式連切

注曰商頌松栢有挺傳曰挺長兒寫詩者譌从木作挺又竄入說文木部此義丑連反若老子挺埴

以爲器訓和也柔也其音始連反音羶俗作挺見於詩老子音義甚明而今本譌舛又方言挺取也凡取物而逆謂之纂楚郡或謂之挺此義音羊羶反○箋曰商頌松栢有挺釋文但云俗作挺其字从土未云各本有作挺者與木部挺篆正足互證而段氏徑改爲挺反以从木爲譌殊欠詳審若老子挺埴字作挺蓋假借通用荀子性惡篇陶人埴埴而爲器其字正从土又管子任法篇云猶埴之在埴也則埴是器名从土更無疑矣挺方言訓取此長也之訓或後人所改亦未可知玉篇挺丑連式連二切

擗也从手前聲

卽淺切

注曰急就篇沐浴擗擗寡合同莊子皆城可以休
老本亦作擗擗擗者道家修養之法故莊云可
以休老史游與沐浴寡合同類言寡合同卽膏精
寡慾之說也若士喪禮士虞禮之蚤擗則爲翦若
鬚之假借而不用擗之本義顏師古注急就曰擗
擗謂鬚拔眉髮也蓋去其不齊整者誤以禮經之
擗釋莊史之擗擗是誤以假借爲本義也訓詁不
通其源斯誤有如此者○箋曰莊子史游所云沐
浴擗擗卽翦理鬚髮之義道家修養豈別有所謂
擗擗者而特爲之專造此二字乎段氏辨之不明

反譏顏籀僞矣鈕云急就章此句上承妻婦聘嫁
下句云祿飾刻畫無等雙則寡合同猶無等雙也
非道家修養顏注不誤

撻批也从手威聲切

注曰批者掌之譌今正掌下云一曰撻頰旁也廣
韻玉篇皆曰撻摩也蓋謂摩其頰旁養生家之一
法也莊子釋文引字林撻批也亦誤按廣韻又曰
手拔也玉篇云莊子云撻撻拔除也是皆用師古
急就篇注而誤○箋曰許云撻撻也撻批也批梓
也一義相因下文掌篆云積也與批當各爲一字
其撻頰旁也四字乃妄人所增益因繫傳誤作撻

批也遂謬謂掌批人頰之義而增之耳養生家亦未聞有所謂摩頰旁之術也又篇韵釋字多備舉引申之義故玉篇既訓摩又訓拔除而廣韵云手拔也又摩也批也梓也不得謂因顏師古而誤也

𢯽

梓也从手此聲

側氏切

注曰元應書兩引說文批搯也搯居逆反謂搯振取也又引通俗文掣挽曰批較今本爲長

𢯽

梓也从手卽聲魏郡有擲裴侯國

子力切

注曰漢地理志作卽王子侯表作擲

𢯽

持頭髮也从手卒聲

昨沒切

注曰金日磾傳日磾梓胡投何羅殿下晉灼曰胡

頸也。捽其頸而投殿下也。○箋曰：荀子正論篇：「詈侮捽搏楊注：捽，持頭也；按，持頭卽持髮也。然捽持當爲通義，持髮特其一端。若金日磈，所謂捽胡乃捽其喉也。」

 四圭也。一曰兩指掇也。从手，最聲。倉括切

注曰：漢律麻志曰：量多少者不失圭掇。孟康曰：六十四黍爲圭，廣韻圭下云：孟子曰：六十四黍爲一圭，十圭爲一合。孟子卽孟康也。孫子算經：六粟爲一圭，十圭爲一撮，十撮爲一抄，十抄爲一勺，十勺爲一合。說與孟異。本艸序例曰：凡散藥有云刀圭者，十分方寸匕之一，准如梧桐子大也。一撮者四

刀圭也十撮爲一勺十勺爲一合此蓋醫家用四圭爲撮之說可相發明而應仲遠注漢書云四圭曰撮三指撮之也小徐本作二指撮二疑三之誤大徐又改爲兩耳

執撮也从手籒省聲

居六切

注曰此蒙三指撮而言字之同音者有三此謂三指撮也曰謂又手也籒謂在手也○箋曰籒當从籒省說具卒部籒下

攄 撮取也从手帶聲讀若詩曰攄螭在東

都計切

攄

攄或从折从示兩手急持人也

注曰有司徹乃攄于魚腊俎古文攄爲攄俗本作

今文撫爲揅者非也凡言振者皆謂少取禮經依古文爲是西京賦拂飛颺亦謂振取薛解云捎取之也文賦意徘徊而不能拂拂當是拂之誤今俗語云捎帶者當作拂紫蓋从折示聲其義有別廣韵不云二形一字○箋曰拂字似非古文所有禮經當作揅爲是揅者閱持也謂更迭取之也又段以拂訓振而謂之少取亦非是經云俎釋三个其餘皆取之則所得爲不少矣

𢶏 引取也从手孚聲詩曰原隰𢶏矣

詩曰六字依繫傳補步侯切

𢶏 或从包

注曰取當作聖今正詩釋文作聖今本譌爲取上

二字非也。聚義同聚，引聚者，引使聚也。玉篇正作引聚也。常棣原隰哀矣，傳云哀聚也。哀者，揅之俗。易君子以哀多益寡，鄭荀董蜀才作揅，云取也。古音孚聲，包聲同部。後人用抱爲哀，哀字。○箋曰：說一文各本竝作引取也。一切經音義十五引同，無作聚者。段以釋文作取土二字，遂合之以爲本作聚。此好奇之過也。

揅 自關以東謂取曰揅，一曰覆也。从手，𠂔聲。衣檢切

注曰：方言曰掩索取也。自關而東曰掩，自關而西曰索。或曰：扭按許所據方言，蓋作揅。李善注子虛上林賦，引方言亦作揅。又𠂔蓋也，故从𠂔之揅爲。

覆凡大學揜其不善中庸誠之不可揜皆是

𢵿 予也从手从受亦聲殖酉切

注曰予者推予也

𢵿 奉也受也从手从冫从収署陵切

注曰冫部奉承也受部受相付也凡言承受承順

承繼又魯頌傳曰承止也皆奉之訓也凡言或承

之羞承之以劍皆相付之訓也○箋曰承受即相

付之訓段分析未當从冫者奉持之意

𢵿 給也从手臣聲一曰約也章刃切

注曰給者相足也士喪禮曰乃沐櫛搃用巾又曰

浴用巾搃用浴衣鄭注搃晞也清也按晞者乾之

也浴用巾既以巾拭之矣而復以浴衣拒之謂抑
按之使乾此乾彼溼可互相足故曰給也爾雅曰
拒拭刷清也渾言之也析言之則拒與拭不同故
許書淑飾也擣拭也爲一義拒給也又爲一義也
一曰約者纏束也此拒之別一義也

擣拭也从手董聲

居歟切

注曰拭當作飾今正飾拭正俗字自淺人盡改許
書之飾爲拭而字例晦矣○箋曰飾爲飾治拭謂
拂拭二字音同而義微有別爾雅曰拭清也聘禮
賈人北面坐拭圭雜記雍人拭羊是此字見於經
典段因許書無拭字遂以爲俗改非也

攢朋羣也从手黨聲

多明切

注曰此鄉黨黨與本字俗用黨者假借字也○箋曰邑部有郈字疑卽鄉黨本字

接交也从手妾聲

子葉切

注曰周禮廩人接盛讀爲一扱再祭之扱○箋曰接者相引以手之義引申爲凡交接之偏

拂也从手市聲

普活切

注曰今人用拂拭字當作此拂拂者過擊也非其義

同攤引也漢有同馬官作馬酒从手同聲

徒曉切

注曰攤當作推今依廣韵韵會本謂推之使前也

漢桐馬官見百官公卿表禮樂志應劭曰主乳馬
取其乳汁桐治之味酢可飲因以名官○箋曰鈕
云廣韵上聲作攤平聲作推竝不引說文韵會兩
引一作攤一作推則作推者當本廣韵改灝按桐
蓋攤而取之之意推使前非其義也

招手呼也从手召聲

原本奪聲字今從毛本止搖切

注曰呼當作評評者召也不以口而以手是手評
也匏有苦葉傳曰招招號召之貌○箋曰呂氏春
秋木生篇萬人操弓共射一招高注招埽的也別
類篇射招者欲其中小也

𢶏安也从手無聲一曰循也

切芳武

從

古文从是𠂇

注曰循當作摳摳者摩也拊亦訓摳故撫拊或通

用

摳撫也从手昏聲一曰摹也

原本篆作摳从昏聲今正武巾切

注曰今人所用技字許土部墀下所用摳字皆卽摳字也○箋曰摳當从昏此作昏誤說見日部昏下今正

揣量也从手耑聲度高曰揣一曰捶之

初委切

注曰度高曰揣方言同左傳揣高卑杜注度高曰揣度溪曰仞按國語搏本擘末搏卽孟子不揣其本之揣其義同也此以合音爲聲方言常絹反是此字古音木部有揣字箠也一曰度也一曰刻也

聲義皆與此同而讀兜果切又今人語言用故攷
字上下廉切下丁括切知輕重也亦揣之或體其
音爲耑之雙聲一曰捶之者以杖擊也檣訓箠揣
訓捶其義一也○箋曰段說是也然攷非揣之或
體此因聲轉而別製一字耳

𢦏 開也从手只聲讀若抵掌之抵

原本作抵今從段正諸氏切

注曰抵各本作抵今正抵側手擊也抵掌者側此
手擊彼手掌也

𢦏 習也从手貫聲春秋傳曰擯擯鬼神

古患切

注曰此與疋部遺音義皆同古多假貫爲之春秋
傳昭二十六年左傳文今本作貫杜曰貫習也

𢵿

擿也从手攴聲

原本作攴今依繫傳度侯切

注曰巷伯傳曰投棄也○箋曰廣雅亦曰投擿也

左氏昭五年傳受其書而投之杜注投擿也擿與

擿同

𢵿

搔也从手適聲一曰投也

直隻切

注曰詩象之撝也傳曰撝所以摘髮也釋文云撝

勑帝反撝他狄反本又作撝非也撝音直戟反按

以許說繩之則作撝爲是撝正音他狄反也以象

骨撝首因以爲飾名之曰撝故云所以撝髮卽後

人玉導玉搔頭之類也許書無撝一曰投也者投

擿也此義音直隻切今字作擿○箋曰撝與撝撝

相承遞加偏旁其音亦相轉擿卽撻字因用爲投
擿字而又異其音遂判若兩字而陸氏不能辨也
帝狄一聲之轉勑帝反與直戟反亦一聲之轉耳

𢵿

括也

括段訂作刮

从手蚤聲

穌遭切

注曰刮各本作括今正刮者掎杷也正搔之訓也
內則疾痛苛養而敬抑搔之鄭注抑按搔摩也

𢵿

刮也从手介聲

古黠切

注曰此與搔義同廣韵曰𢵿揩𢵿物也易介于石
馬本作𢵿云觸小石聲按𢵿于石謂摩礪于石也
○箋曰易釋文介古文作𢵿鄭古八反云謂磨𢵿
也按𢵿卽𢵿之異文

標擊也从手嬰聲一曰擊門牡也

門毛本及繫傳並作闕符少切

注曰左傳長木之斃無不標也杜云標擊也釋文標音交切闕牡一物也見門部擊者提而啟之也葉鈔本闕作門○箋曰爾雅釋詁標落也按擊與落義相因廣韵以訓擊者入宵部訓落者入小部強分之耳

挑撓也从手兆聲一曰擲也國語曰卻至挑天

土淵切

注曰挑者謂撥動之左傳云挑戰是也一曰擲者拘擊也小徐擲下有爭周語單襄公語韋本作挑天注云挑儉也今按挑天之功以爲己力與左傳天實置之而二三子以爲己力語意正同然則許

意爲一曰攪爭作證

攪挑也从手夬聲

於說切

注曰抉者有所入以出之也

撓擾也从手堯聲一曰揉也

奴巧切

注曰此與女部嫖字音義皆同揉篆下一曰擾也

𢇛煩也从手變聲

而沼切

注曰煩者熱頭痛也引申爲煩亂之𠄎訓𠄎之字

依許作𢇛而古書多作擾蓋擾得訓𠄎猶亂得訓

治徂得訓存皆窮則變變則通之理也今作擾从

憂俗字也

𢇛執持也从手局聲

居玉切

注曰戟持者手如戟而持之也左傳褚師出公戟其手杜云抵徒手屈肘如戟形按古者戟之制其鋒謂之援援體斜橫出故人下其肘翹其腕與手似之亦謂之戟○箋曰戟其手謂拳握而出食指以指之與戟形相似杜謂屈肘如戟非也戟搨卽拮据之轉語因又製搨字而訓爲戟持此則與戟形無與矣

搨 戟搨也从手居聲

九魚切

注曰鴟鴞子手拮据傳曰拮据戟搨也戟俗加手旁非是公羊注假搨爲據

搨 刮也从手葛聲一曰搨也

口八切

注曰此與拊音義略同

拊 拓果樹實也从手宮聲一曰指近之也

他歷切又竹尼切

注曰拓者拾也拾者掇也○箋曰拊非掇拾之謂拓落爲古人常語豈以此訓拓爲落歟摘擲本一

字說見前

擣 擣也从手害聲

胡結切

暫 暫也从手斬聲

昨甘切

注曰廣韵作擊斬取也今正謂斷物也暫非其義禮器有擣而播也長楊賦麾城擣邑倉頡篇曰擣拍取也鄭曰擣之言芟也○箋曰鉏云玉篇山甘切斬取也又才甘切引說文云暫也廣韵平聲引

說文暫也上聲注斬取則斬取非許書

搯搯也从手劦聲一曰拉也

虛業切

注曰公羊傳曰使公子彭生送桓公於其乘焉協幹而殺之協或作摛上文曰拉摧也

摛敗也从手習聲

之涉切

注曰敗者毀也今義爲摛疊

摯束也从手秋聲詩曰百祿是摯

卽山切

注曰韋部韞或作摯此重出詩商頌長發文今詩作道傳曰道聚也○箋曰此以摯斂爲本義當入手部爲正韋部以古通爲或作耳

攣曳聚也从手婁聲

洛侯切

注曰此當作曳也聚也山有樞曰弗曳弗搜傳曰搜亦曳也此曳訓所本也釋詁曰搜聚也此聚訓所本也○箋曰詩但作婁不从手傳同孟子曰五霸者搜諸侯以伐諸侯者也正是曳聚之義

𢶏有所失也春秋傳曰𢶏子辱矣从手云聲

于敏切

注曰成公二年左傳石稷謂孫良夫曰子國卿也隕子辱矣許所據作𢶏正謂失也戰國策被磔磔引微繁折清風而𢶏矣此假𢶏爲隕也史記東粵列傳不戰而𢶏利莫大焉謂閩粵不戰而失其王頭此假𢶏爲𢶏也

𢶏从𢶏持曰披从手皮聲

敷羈切

注曰士喪禮設披鄭注披絡柳棺上貫結於戴人君旁牽之以備傾虧又執披者旁四人鄭注前後左右各二人此從旁持之義也五帝本紀黃帝披山通道徐廣曰披他本亦作陂字蓋當音詖陂者旁其邊之謂也而索隱云披音如字謂披山林艸木而行以通道也此司馬貞不知古義之言蓋俗解訓披爲開廣韵云披開也分也敝也木部披訓析披靡字如此作而淺人改爲披靡莫有能譏正者○箋曰一切經音義十三引纂文曰披分也左氏成十八年傳而披其地杜注同史記魏其武安侯傳不折必披正義曰披分析也灝按披訓分者

字之本義引申之乃爲從旁持耳木部被櫪一曰
析也蓋披或通作被然載籍已罕見段彼注以爲
凡披析皆當作被又謂被靡字後人改爲披靡皆
非也又披衣之披乃被之假借莊子知北游篇齧
缺問道于被衣釋文被本作披漢書揚雄傳被笑
蓉之朱裳師古曰被音披又音皮義反

𢶏引縱曰𢶏从手𢶏省聲

尺制切

注曰引縱者謂空遠而引之使近空近而縱之使
遠皆爲牽掣也爾雅曰𢶏𢶏掣曳也俗作掣○箋
曰段未曉引縱之義引縱卽掣縱也戴氏侗曰掣
縱本謂小兒風驚乍掣乍縱也掣搐也縱則掣而

乍舒也癰癰本因掣縱而立文今乃作瘰更从癰失之甚矣

𢦏

積也詩曰助我舉𢦏搯頰旁也从手此聲

前智切

注曰小雅車攻曰助我舉柴傳曰柴積也鄭云雖不中必助中者舉積禽也柴許所據作𢦏𢦏積壘韵爲訓詩釋文引說文士賣反出音隱西京賦作舉茵廣韵及小徐本搯頰旁也上皆有一曰二字○箋曰搯頰旁也妄人所增說見上文搯下

𢦏

搖也从手卓聲春秋傳曰尾大不掉

徒弔切

注曰掉者搖之過也春秋傳左氏昭十一年文

搖

動也从手𢦏聲

余招切

𢶏

動搭也从手容聲

余隴切

注曰動搭漢時語廣雅曰搭動也○箋曰古但作容孟子盡心篇動容周旋中禮者盛德之至也楚辭九章悲秋風之動容兮卽動搭之義少儀手無容廬植云不弄手也又數噍母爲口容鄭注口容弄口按容亦動也蓋相承增手旁又聲轉爲余隴切耳

𢶏

當也从手貳聲

直異切

注曰廣雅曰𢶏當也曹憲引說文直二反

𢶏

聚也从手𠂔聲

卽由切

注曰商頌百祿是適傳曰適聚也按傳謂適爲𢶏

之假借字

𦞦固也从手取聲讀若詩赤舄𦞦𦞦

苦閑切

注曰𦞦之言堅也緊也謂手持之固也或假借爲牽字如史記鄭襄公肉袒𦞦羊卽左傳之牽羊也今𦞦吝字亦𦞦之俗赤舄𦞦𦞦當依豳風作几几毛傳几几絢兒○箋曰讀若二字疑衍赤舄几几蓋三家有作𦞦𦞦者故許引之言其屨絢之固也𦞦之聲轉如几又按鼎臣云今別作𦞦非是故段亦云今𦞦吝字亦𦞦之俗然𦞦字古籍罕見且从心與从手異體蓋後出俗字不須牽合爲一也

𦞦奉也从手𦞦聲

敷容切

注曰奉者承也

舉對舉也从手與聲

以諸切

注曰此篆各本作舉玉篇擇下揚上作舉正言切
舉也廣韵二十二元亦曰擗舉也今正上林賦毛
詩箋漢書音義通俗文皆有撻撻卽擗也說文本
有舉無舉後人自譌舛耳○箋曰此篆从與聲與
下文舉从與聲別爲二字必是譌文然篇韵恐亦
有誤

揚飛舉也从手易聲

與章切

古文

注曰漢碑用颺歷他文用敷歷皆今文尙書般庚
之優賢揚歷也

對舉也从手與聲

居許切

注曰對舉謂以兩手舉之小徐有一曰輿也四字

今補輿卽舁轉寫改之○箋曰繫傳本非也輿固

譌字卽作舁亦與對舉同義此淺人所增耳

掀舉出也从手欣聲春秋傳曰掀公出於淖

虛言切

注曰掀之言軒也春秋傳成十六年左傳文釋文

曰捧轂舉之則公掀起也

揭高舉也从手曷聲

去例切又基竭切

注曰詩苑有苦葉傳曰揭褰裳也碩人傳曰揭揭

長也詩傳曰揭見根貌○箋曰大東篇維北有斗

西柄之揭正是高舉之義

聲上

蠅豆拼或

从登

注曰此篆當作拯易明夷六二爻辭釋文作承云
承音拯救之拯說文云舉也子夏作拊字林云拊
上舉音承然則說文作拯字林作拊今正又李注
謝靈運擬鄴中集詩曹植七啟潘勗九錫文傅亮
修張良廟教王巾頭陀寺碑皆引說文出溺爲拯
是古本確有此四字方言曰躡拊拔也出休爲拊
出火爲躡今補○箋曰鈕云陸氏往往以字林爲
說文此條亦然一切經音義卷二卷九竝引說文
拊上舉也玉篇撻拯爲拊之重文廣韻平聲拊注

云上舉引易曰拊馬壯吉說文音蒸上聲又拯重
文作拊澄注云見說文則陸氏之誤明矣出溺爲
拯李氏誤以方言爲說文今方言作拊亦可見拯
字之非古

振舉救也从手辰聲一曰奮也

章刃切

注曰諸史籍所云振給振貸是其義俗作賑一曰
奮也與震略同米芾傳曰入曰振旅振鷺傳曰振
振羣飛貌七月傳曰莎雞羽成而振訊之皆此義
○箋曰一切經音義卷七引作舉也無救字當爲
古本灝按舉則兼有奮義

扛橫關對舉也从手工聲

古雙切

注曰以木橫持門戶曰闢凡大物而兩手對舉之
曰扛項羽力能扛鼎是也

扮握也从手分聲讀若粉房吻切

注曰太元曰地則虛三以扮天之十八也扮猶并
也○箋曰玉篇曰扮握也動也廣雅曰奮扮動也
王氏念孫曰扮亦奮也方俗語有輕重耳

矯舉手也从手喬聲一曰擣擅也居少切

注曰引申之凡舉皆曰擣古多假矯爲之陶淵明
曰時矯首而遐觀王逸注楚辭曰矯舉也一曰擅
者擅專也凡矯詔當用此字○箋曰舉手爲擣之
本義周禮士師掌士之八成五曰擣邦令鄭注云

僞詐以有爲者按此亦矯通作摘耳餘詳矢部

𢶏 自關已西凡取物之上者爲摘摘从手尙聲所交切

注曰取物之上謂取物之顛也摘之言梢也方言

曰摘梢選也自關而西秦晉之間凡取物之上謂

之摘梢按今俗語云摘帶也西京賦注帶者摘取

之考工記摘其藪摘溝鄭注摘除也其引申之義

○箋曰方言摘摘訓爲選自是取其上等之意摘

爲木末故取其上者謂之摘耳俗語摘帶亦非其

義

𢶏 抱也从手雝聲於龍切

注曰公食大夫禮孳簋梁鄭注孳抱也吳語官帥

擁鐸韋注擁抱也漢書注南方謂抱小兒爲雍樹
雍者擁之假借字按玉篇作攄蓋古體也抱之則
物必在前故上雖下手

攄深也从手需聲周禮六曰攄祭

而主切

注曰各本篆作攄解作需聲引周禮作攄祭今正
作攄周禮大祝九祭六曰攄祭士虞特牲少牢有
司徹四篇經文凡用攄字二十唐石經周禮士虞
皆作攄特牲少牢有司皆作攄參差乖異淺人妄
改也五經文字云攄如悅反字書無此字見禮經
攄汝主反見周禮是則唐開成石經正用張參之
說○箋曰鈕云攄爲俗體故字書不收玉篇亦無

換灝按隸書需字或作𦵏故禮經搯換錯出然搯
醢搯鹽必作搯乃可通則換之誤不待辨矣釋文
劉昌宗而誰反乃搯之本音其或音而元反又如
悅反者乃爲換作音耳

揄引也从手俞聲

羊朱切

注曰漢郊祀歌神之揄臨壇字師古云揄引也史
記揄長袂廣韻揄揚詭言也皆其引引之義大雅
或舂或揄假揄爲音也

擎

擎

逗

不正也从手

般聲

薄官切

攢

攢

一曰布攢也

一曰握也从手

攢聲

一統切

注曰廣韻擎攢宛轉也今義也一曰布攢卽今之

布濩字劉達注吳都賦曰布濩遍滿兒一曰握者
搯持也西京賦獲獬獬薛云獲謂握取之也今本
握譌掘元應不誤

拊手也从手弁聲皮變切

注曰拊手謂兩手相拍今人言歡拊是也漢書吳
都賦皆云拊射孟康曰手搏爲拊此則謂兩人手
相搏也俗作拊

撻專也从手亶聲時戰切

撻度也原本作葵也今從段正**从手癸聲**求葵切

注曰各本作葵也今依六書故所據唐本正度者
法制也因以爲撻度之度小雅天子葵之假葵爲

揆

𢦏 度也从手疑聲魚已切

注曰今所謂揣度也

損 減也从手員聲穌本切

注曰水部曰減損也

𢦏 縱也从手乙聲式質切

注曰縱者緩也一曰捨也在手而逸去爲失以甲

乙之乙爲聲兔部曰逸失也○箋曰失佚古今字

管子五輔篇貧富無度則失王氏念孫曰失讀爲

佚謂放佚也古字多以失爲佚見惠氏棟九經古

義

𢶏 解挽也从手兌聲他括切

注曰今人多用脫

𢶏 治也从手發聲北末切

注曰公羊傳撥亂世反諸正何注撥猶治也何言猶者何意撥之本義非治○箋曰撥有反正之義故謂不正爲撥荀子正論篇不能以撥弓曲矢中楊注撥弓不正之弓淮南修務訓琴或撥刺枉橈高注撥刺不正

𢶏 抒也从手邑聲於汲切

注曰大雅洞酌彼行潦挹彼注茲

𢶏 挹也从手予聲神與切

注曰凡挹彼注茲曰扌斗部斜扌也舉扌漏也對
挹也水部浚扌也革部鞵扌并鞵也是也左傳難
必扌矣此假扌為紆紆者緩也服虔本正作紆

𢵿 挹也从手且聲讀若櫪黎之櫪側加切

注曰方言曰𢵿攬取也南楚之間凡取物溝泥中
謂𢵿亦謂之攬按𢵿攬實一字故許有𢵿無攬

𢵿 扌也从手𠂔聲居縛切

注曰倉頡篇攬搏也通俗文手把曰攬淮南子曰
鳥窮則搏獸窮則攬按眾經音義卷五卷十二引
說文同而注之曰扌居逆切是其所據說文作扌
轉寫譌作扌耳

𢶏 从手𢶏聲

段於挹下補取字

𢶏 从手𢶏聲讀若萃

所臻切

注曰取字各本無依元應書補通俗文云從上取

曰𢶏

拓 拾也陳宋語从手石聲

之石切

𢶏 拓或从庶

注曰有司徹篇乃撫于魚腊俎俎釋三个其餘皆

取之摘下云拓果樹實也方言撫取也陳宋之閒

曰撫○箋曰今用爲開拓字段注衣部云拓之假

借灝謂乃斥之假借斥有充斥義與拓古音同故

通作拓耳

攢 拾也从手麋聲

居運切

注曰魯語收攢而烝韋云攢拾也漢刑法志蕭何

據拓秦法取其空於時者作律九章字亦作据

拾 **掇也从手合聲**
是執切

注曰射有決拾毛傳曰決所以鉤弦也拾遂也拾
韜左臂卽俗所謂收拾也○箋曰掇拾皆次第取
之之義故引申爲更迭之偁如射禮之拾發喪禮
之拾踊及曲禮之拾級聚足皆是也拾有收義故
又爲臂鞬之偁

撝 **拾取也从手斂聲**
都括切

注曰周南傳曰掇拾也○箋曰掇之言綴也聯綴
以拾之也

撝 **貫也从手曷聲**
春秋傳曰撝甲執兵
胡慣切

注曰杜注左傳韋注國語皆曰擐貫也春秋傳左

氏成二年文

𢶏引急也从手恆聲古恆切

注曰淮南書曰大弦扼則小弦絕

𢶏蹴引也从手宿聲所六切

注曰蹴猶迫也古多假戚爲之蹴引者蹴迫而引
取之揣古假縮爲之毛詩傳曰放乎旦而蒸盡縮
屋而繼之釋文縮又作揣同按武梁祠堂碑云揣
竿是也戰國策淖齒管齊之權縮閔王之筋縣之
廟梁宿昔而外亦卽揣字揣屋卽左傳所謂抽屋
也○箋曰古以麻蒸爲屋竿故蒸盡取諸屋上而

繼之

援𢶏相援也从手虔聲臣言切

援𢶏引也从手爰聲雨元切

注曰大雅以爾鉤援毛傳鉤鉤梯也所以鉤引上

城者又無然畔援傳曰無是畔道無是援取○箋

曰援之本義謂以手相引因之爲凡援引之稱

摠𢶏引也从手畱聲敕鳩切 𢶏𢶏或从由𢶏𢶏或从

秀

注曰鄭風左旋右抽毛傳左旋講兵右抽抽矢以

射撈篆體偏旁作秀可證古於偏旁不諱

𢶏𢶏引也从手翟聲直角切

注曰毛傳楫所以擢舟也擢舟謂引舟也○箋曰此當以拔擢爲本義假借爲擢舟字又作擢或作棹見木部新附古通作濯漢書司馬相如傳上濯鵠牛首注濯者所以刺船也

𢵿擢也从手攴聲

蒲八切

箋曰方言三曰擢拔也自關而西或曰拔或曰擢

𢵿拔也从手𢵿聲

烏黠切

注曰孟子宋人有閔其苗之不長而𢵿之者趙云𢵿挺拔之欲亟長也方言𢵿擢拂戎拔也自關而西或曰拔東齊海岱之間曰𢵿

𢵿手推也一曰築也从手𢵿聲

都皓切

注曰以手爲椎而椎之也一曰築者築必用築非徒手也故爲別

𦉰

係也从手絲聲

呂員切

注曰係者絜束也易小畜有孚攣如馬曰連也虞

曰引也

𦉰

拔也从手廷聲

徒鼎切

注曰周道挺挺直也月令挺重囚寬也皆引申之

義

𦉰

拔取也南楚語从手寒聲楚詞曰朝搴批之木蘭

九輦切

注曰莊子至樂篇撻蓬而取之司馬注撻拔也方

言曰撻取也南楚曰撻楚詞見離騷批今作阤王

逸曰拳取也阤山名按說文無阤字

撻遠取之也从手突聲他含切

注曰撻之言溪也易曰撻頤索隱

撻揆也从手畺聲他紺切

注曰周禮撻人注主撻序王意以語天下釋文曰

與揆同○箋曰戴氏侗曰唐本說文曰撻也淮南

子撻揆挺捫世之風俗灝按唐本蓋誤

撻推也段訂篆作从手委聲段訂作一曰兩手相切

摩也奴禾切

注曰推各本作推今依玉篇韵會文選注元應梵

書音義正摧者擠也周禮守祧禮經士虞特牲少牢隋祭或作接或作綬接接篆疊韵雙聲皆當妥聲徐鉉曰俗作接非乃因說文無妥而爲此謬說耳阮孝緒字略云煩擱猶接秒今人多用此義○箋曰鈕云篇韵竝作接引說文摧也一切經音義屢引亦同廣韵云接俗作接則徐說非謬灝接說文無妥篆而綬接竝用妥爲聲則妥乃佚奪無疑考廣韵倭蹠等字竝有烏禾切之音而段獨改此篆亦未爲無見也

𢦏 別也一曰擊也从手做聲

芳滅切

注曰別當作飾今正文選洞篇賦注引擎飾也飾

者敝也飾者今之拭字蓋一本作敝而一譌爲刷
再譌爲別拭與拂義略同蔡邕篆勢曰揚波振擗
文選四子講德論故騰騰擗波而濟水擗同擗○
箋曰鈕云篇韻無飾義疑李引誤灝按李注固未
可知且所引本作拭而段改爲飾又謂一本作刷
而譌爲別皆信口說之耳擗有開斥之義故訓爲
別一曰擗卽謂擊波也

撼搖也从手咸聲

胡感切

注曰鉉曰今別作撼非是○箋曰篇韻皆有撼無
撼召南無感我悅兮感卽古撼字相承增手旁耳

擗按也从手弱聲

尼革切

言二角二法多頁二
注曰按者抑也周禮矢人撓之以眊其鴻殺之倂
鄭注撓擗其榦謂按下之令曲則強弱見矣元應
書曰擗猶捉也此今義非古義也古義擗同撓釋
文女角切

𢶏 偏引也从手奇聲

居綺切

注曰一本作偏引一足也見李賢司馬貞所引此
依左傳注增二字耳左傳曰譬如捕鹿晉人角之
諸戎𢶏之杜注𢶏之𢶏其足也國語𢶏止晏萊韋
云從後曰𢶏詩伐木𢶏矣傳曰伐木者𢶏其顛

揮 奮也从手軍聲

許歸切

注曰奮部奮奮也揮與奮義略同

摩

研也研段訂作擊

从手麻聲

莫婆切

注曰擊各本作研今正此以擊與摩互訓學記相觀而善之謂摩凡毛詩爾雅如琢如磨周禮刮摩字多从手俗作磨不可通

撾

反手擊也从手毘聲

匹齊切

注曰左傳曰宋萬遇仇牧于門撾而殺之玉篇所引如是今左傳作批俗字也

攪

亂也从手覺聲詩曰祇攪我心

古巧切

注曰詩小雅何人斯文○箋曰戴氏侗曰擾撓攪三字之分察其聲而可得

推

擣也从手耑聲

而龍切

注曰漢書而僕又葺以蠶室師古曰葺音人勇反推也謂推致蠶室之中也此揖之假借○箋曰今粵俗推謂之揖

𢦏 从手重聲切宅江

注曰凡者疾也

就也从手因聲切於真

注曰捆與囚音義同

𢦏因也从手乃聲如乘切

注曰扔與仍音義同老子曰爲之而莫之應則撓
臂而扔之○箋曰老子釋文扔引也因也按廣雅

日引也

拈絜也从手昏聲

古活切
隸作拈

注曰絜之引申爲結束經言拈髮謂束髮也髟部
髻絜髮也拈爲凡物總會之併毛詩傳曰拈至也
其引申之義也易拈囊借爲昏字也

𢶏𢶏也从手可聲周書曰盡執𢶏

虎何切

注曰篆下𢶏字複舉之未刪者周書酒誥文今書
作拘字之誤也當盡執爲逗下云𢶏以歸於周謂
指拈以歸於周也

𢶏𢶏也从手辟聲

博見切

注曰禮記燔黍捭豚釋文云捭卜麥反注作擗又
作擘皆同按記作捭注作擘今注亦作捭矣擘豚

謂手裂豚肉也若孟子以仲子爲巨擘巨擘謂手

大指

𢶏裂也从手爲聲一曰手指撝也

原本指下脫撝字今從毛本許歸切

注曰易撝謙馬曰撝猶離也按撝謙者溥散其謙無所往而不用謙裂義之引申也手指撝者敘曰比類合諡以見指撝易王注指撝皆謙凡指撝當作此字許歸切歸必是規字之誤此字必在五支不得入八微也○箋曰易之撝謙當用王輔嗣義段以爲裂義之引申謬也

𢶏裂也从手赤聲

呼麥切

注曰周禮有赤友氏鄭注赤友猶扞拔也扞拔蓋

漢時有此語

𢇛 易筮再扌而後卦从手力聲

盧則切

注曰易繫辭傳文卦今易作掛釋文云京作卦云再扌而後布卦蓋許同京也凡數之餘曰扌王制祭用數之仂喪用三年之仂鄭皆以爲數之什一仂扌蓋同字考工記云以其圍之防捎其藪假防爲之○箋曰兩指之間謂之扌因之車轂之輻閒亦謂之扌而假防爲之扌者指之所餘也故爲餘數之仂詳見通介堂經說考工記圍之防篇

𢇛 巧也从手支聲

渠綺切

注曰工部曰巧技也古多假伎爲技能字

𦣻 規也从手莫聲

莫胡切

注曰規者有法度也以法度度之亦曰規廣韵曰

摹以手摹也揚雄傳參摹而四分之三摹九据或

手在旁作摸今人謂之摸捺讀入聲實一字摹與

模義略同

𦣻 不巧也从手出聲

職說切

注曰不巧者不能為技巧也

𦣻 縫指搯也一曰韜也从手沓聲讀若眾

徒合切

注曰縫指搯者謂以鍼紵衣之人恐鍼之梨其指

用韋為韠韜於指以藉之也搯之言重沓也射講

亦謂之臂搯○箋曰搯即韜之聲轉韜非別義

搏圓也从手專聲

度切官

注曰此當作以手圓之也今依韵會補以手圓之者此篆之本義如禮經云搏黍曲禮云搏飯是也因凡物之圓者曰搏如考工記搏以行石搏身而鴻相筭欲生而搏是也俗作團古亦借爲專壹字左傳云若琴瑟之搏壹秦瑯琊臺刻石曰搏心壹志是也專壹許女部作搏壹○箋曰段以黃公紹語改許書非是圓謂之圓因而搏之亦曰圓考工記鳧氏六分其厚以其一爲之淡而圓之卽搏之義也又按王氏念孫曰古書多以搏爲專管子霸言篇夫令不高不行不搏不聽內業篇能搏平

能一乎商子農戰篇搏民力以待外事呂氏春秋
適音篇耳不收則不搏繫辭傳其靜也專陸績本
作搏昭二十五年左傳若琴瑟之專一董遇本作
搏史記秦始皇紀搏心揖志索隱曰搏古專字

搏

手推之也从手國聲

戶骨切

掇

盛土於裡中也一曰擾也

擾段訂作掇

詩曰掇之陲陲

段訂作掇

从手求聲

舉朱切

注曰大雅掇之陲陲毛傳掇聚也陲陲眾也鄭云
築牆者掇聚壤土盛之以藁而投諸版中許說專
爲釋大雅言擾當作掇今依韵會本正詩大雅緜
文陲音而亦作隅各本作陲誤今依玉篇○箋曰

戴氏侗曰抔本手區抔物之狀詩云抔之𡙇𡙇謂
抔土實於版中也鄭氏之說是也又曰有抔棘棘
有抔天畢謂其宛中如區也又曰有抔其角言角
之宛中也兕觥其觥角弓其觥皆同此義爾雅曰
櫟其實抔謂其下有斗抔然也又曰椒櫟醜棗謂
其實蓬出盈劑也灝按戴說是也然其釋抔之𡙇
𡙇爲抔土實於版中仍未當蓋本作實於𡙇中傳
寫之誤耳抔者劑手之狀因以爲凡器宛中可載
物者之偁又引申之則但有宛中之形者亦皆謂
之抔矣又爲結聚之偁故櫟實椒櫟曰抔也今粵
語猶謂物之拳曲者爲抔

言部 結手口共有所作也从手吉聲詩曰予手拮据古屑切

注曰幽風鴟鵂篇予手拮据毛傳拮据搯搯也手

病口病故能免於大鳥之難

拮掘也从手骨聲戶骨切

注曰吳語夫諺曰狐狸埋之而狐掘之是以無成功

韋注拮發也玉篇云左傳拮褚師定子之基本亦

作掘

掘也从手屈聲衛勿切

拮掘二篆疊韻按凡字書韻書謂掘亦作闕者似

是而非也左傳闕地及泉闕地下冰而牀焉國語

闕爲浚溝通於商魯之間韋云闕穿也凡云闕者

皆謂空之與掘義別

掩斂也小上曰掩从手奄聲

衣檢切

注曰釋器圓弇上謂之熏弇上當作掩上○箋曰
圓弇上謂其器上下皆圓而上小斂與掩斂義異
此小上曰掩四字淺人所增升部曰弇蓋也从升
从合古南切又一儉切器弇上正是上合之義若
掩則謂以手覆蔽之也文選懷舊賦注引埤蒼曰
掩覆也淮南天文訓注掩蔽也此掩斂之本義也
方言廣雅又曰掩取也其引申也弇揜一字奄掩
亦一字聲近相通

撝撝也从手既聲詩曰撝之釜鬻

古代切

說文解字注卷之三
注曰詩概之釜鬲毛傳概滌也今本作漑者非凡
周禮禮經概字本皆从手釋文不誤而俗本多譌
詩匪風文○箋曰詩匪風周禮大宗伯注儀禮少
牢注釋文竝云漑本又作概蓋二字古通以水濯
之故从水指人事言則从手耳未見从水者必非
也

掬取水沮也从手胥聲武威有掬次縣

相居切

注曰沮玉篇廣韵作具非也沮今之渣字取水渣
者必浚之漉之如醺酒然然則掬與水部之潯音
義皆同今所謂濾水也○箋曰沮字義不可通故
篇韵作具抑掬之誤未可知也段臆說無據漢志

擗次縣屬武威郡今甘肅涼州府古浪縣也

播種也一曰布也从手番聲補過切古文播

注曰堯典曰播時百穀一曰布者周禮瞽矇注播謂發揚其音是也九歌沝芳椒兮成堂補注沝古

播字

穫禾聲也从手至聲詩曰穫之陟栗切挫挫

注曰周頌良耜曰穫之挫挫毛傳挫挫穫聲也

刺也从手致聲一曰刺之財至也陟利切

注曰方言擻到也廣雅曰擻至也財今攬字甘泉

賦洪臺崛其獨出兮擻北極之嶠嶠

振動也从手兀聲五忽切

言部字注卷之三
注曰詩正月天之扝我傳曰扝動也考工記是以

大扝

扝折也从手月聲

魚厥切

注曰晉語曰其爲本也固矣故不可扝也韋云扝動也按依韋注是謂此扝爲扝之假借其本義則訓折舊音云扝音月又五括反

縹縛殺也从手𢇛聲

居求切

注曰縛殺者以束縛殺之也廣韻曰縹者絞縛殺也多絞字爲長引申之凡繩帛等物二股互交皆得曰縹曰絞亦曰糾喪服曰絞帶又曰殤之經不得曰縹注云不絞其帶之垂者耳部曰糾三合繩也

檀弓作繆經繆卽摻之假借摻垂字今本譌爲膠
木之膠惟玉篇不誤○箋曰此當从糾結爲本義
縛殺乃其引申耳

絳

鄉飲酒罰不敬撻其背从手逢聲

他逢切

古文

撻周書曰遲以記之

注曰周禮閭胥凡事掌其比釁撻罰之事故書或
言釁撻之罰事鄭云釁撻者失禮之罰釁用酒其
爵以兕角爲之撻扑也鄭但云失禮許必系之鄉
飲酒者禮莫大於此惟此可登時行釁撻也周書
當作虞書此皋陶謨文壁中古文作遲也○箋曰
許云鄉飲酒乃記憶之誤段傳會說之又遲恐非

壁中古文也

𢶏止馬也从手交聲里飯切

注曰按馬猶勒馬也

𢶏彈也彈原本作揮今從繫傳从手平聲皆耕切

注曰大徐誤作揮今依小徐及元應正彈者開弓

也開弓者弦必反於直故凡有所糾正謂之彈廣

雅曰彈拏也拏即𢶏元應曰𢶏彈繩墨也按孟康

漢書注引繩以𢶏彈○箋曰𢶏彈以繩墨故因之

為糾正之義段說穿鑿

𢶏氣勢也从手卷聲國語曰有捲勇一曰捲收也員切

注曰謂作氣有勢也此與拳音同而義異小雅巧言無拳無勇毛傳拳力也齊語桓公問曰於子之鄉有拳勇股肱之力秀出於眾者韋云大勇爲拳此皆假拳爲捲五經文字曰从手作攉者古拳握字按盧令鄭箋云鬆當讀爲權權勇壯也又吳都賦覽將帥之權勇此兩處今雖譌作權从木然可知其必五經文字所謂从手之攉也國語齊語文一曰捲收別一義卽今人所用舒卷字也

招收也从手及聲

楚洽切

注曰曲禮以箕自鄉而扱之此扱之本義儀禮注云扱扱此插之假借字也

攔拘擊也从手巢聲

子小切

注曰拘擊者拘止而擊之也集韻類篇作擊也拘也非是又謂此卽鈔之別體亦非許意也漢書命

攔擊背也从手矣聲

於駭切

注曰列子攔挾挨抗張注挨推也按今俗語平聲

挨也从手美聲

蒲角切

注曰撲與扑樸義皆別今人溷之廣韻一屋云拂箸今義也

擊也从手敷聲

苦弔切

注曰公羊傳曰公怒以斗擊而殺之注擊猶擊也

擊謂旁擊頭項莊子撒以馬捶按小徐本手在左

旁

疾擊也从手勺聲都了切

注曰史記天官書杓雲索隱曰劉氏音時的反說文音丁了反許慎注淮南云杓引也按杓雲从手

今本譌从木

扶筰擊也从手失聲勅栗切

注曰筰所以擊也扶之見左傳者多矣

抵側擊也从手氏聲諸氏切

注曰戰國策抵掌而談東京賦抵璧於谷解嘲介涇陽抵穰侯抵字今多譌作抵其音義皆殊國策

夏無且以藥囊提荆軻史記樽太后以冒絮提文帝提皆抵之假借

𢶏以車𢶏擊也从手央聲於兩切

注曰𢶏者馬頸韉也

𢶏衣上擊也从手保聲方苟切

注曰擊集韻類篇皆作攴攴者小擊也

𢶏兩手擊也从手卑聲北買切

注曰謂左右兩手橫開旁擊也引申之為鬼谷子之捭闔捭之者開也闔之者閉也禮記燔黍捭豚

假捭為擊

𢶏以杖擊也从手垂聲之壘切

注曰內則注捶擣之也引申之杖得名捶猶小擊之曰扑因而擊之之物得曰扑也擊馬者曰箠

摧敲擊也从手雀聲

苦角切

注曰敲橫槌也槌卽策之隸變推與敲疊韵又雙聲也廣雅曰揚推都凡也別一義○箋曰支部敲橫槌也五音韵譜槌譌爲槌段此引誤

擣中擊也从手竟聲

一敬切

注曰擊之而中也中玉篇作傷

拂過擊也从手弗聲

敷勿切

注曰徐鍇曰擊而過之也刀部曰刺擊也與拂義

同

擣頭也从手堅聲讀若鏗爾舍瑟而作口莖切

注曰廣韵曰撞也

攖攖擊也从手尤聲讀若告言不正曰攖竹甚切

注曰刺客列傳左手把其袖右手搥其脅搥卽攖字徐廣曰一作抗按抗乃攖之譌耳宋本無告字

曰攖之攖未知何字之誤

𢶏傷擊也从手毀毀亦聲繫傳無毀亦二字許委切

注曰傷擊者擊之而傷也故其字从手毀

𢶑𢶑支也从手𢶑聲古歷切

注曰支訓小擊擊則兼大小言之

𢶒𢶒攸也从手干聲侯肝切

注曰攸當作枝枝持也攸訓很非其義廣韵扞下
曰以手扞又衛也玉篇亦曰扞衛也字亦作捍祭
法能禦大災能捍大患則祀之魯語作扞○箋曰
戴氏侗曰古通作干詩云公侯干城

𢇛扞也从手亢聲

苦浪切

𢇛抗或从木

注曰旣夕禮注抗禦也左傳曰以亢其讐注亢猶
當也亢爲抗之假借字引申之義爲高抗旣夕禮
抗木橫三縮二其字固可从木矣今人讀胡郎切
乃杭之譌變也地名餘杭者秦政舟渡處也○箋
曰亢抗古今字相承增手旁廣雅曰亢高也又曰
亢當也左氏宣十三年傳而亢大國之討杜注亢

禦也與抗義同衛風河廣篇一葦杭之楚辭惜誦篇謂中道而無杭是杭卽舟航字

捕取也从手甫聲

薄故切

注曰此與搏義別

箝刺也从手箝省聲周禮曰

繫傳作春箝魚鼈秋國語曰箝魚鼈土革切

注曰周禮鼈人以時箝魚鼈龜蜃鄭司農云箝謂以杈刺泥中搏取之魯語里革曰鳥獸孕水蟲成獸虞於是乎禁罝羅箝魚鼈以爲夏槁韋云箝也也搏刺魚鼈此借箝爲箝

撚執也从手然聲一曰蹂也

乃殄切

注曰廣韻曰撚者以手撚物也

挂畫也从手圭聲

古賣切

注曰畫槩本作宜李文仲字鑑亦作宜六書故云唐本作縣玉篇亦作懸也特牲禮曰實于左袂挂于季指卒角鄭云挂袂以小指者便卒角也易繫辭傳分而爲二以象兩掛一以象三孔疏曰掛其一於最小指閒皆於縣義合古本多作畫者此等皆有分別畫出之意陸德明云掛別也後人乃云懸挂俗製掛字耳許訓畫者古義疊韻爲訓唐本訓縣非古也禮注云古文掛作卦

坤曳也从手它聲

託何切

注曰南越傳拖舟而入水論語加朝服拖紳易終

朝三褫之鄭本作拞假拞爲褫也高誘注淮南過盜拞其衣云拞奪也託何切廣韻又徒可切

𢶏臥引也从手余聲

同都切

注曰臥引謂橫而引之也廣雅曰𢶏舒也

𢶏𢶏也从手世聲

余制切

注曰𢶏與曳音義皆同檀弓負手曳杖釋文曳作𢶏俗刻誤从木非也九歌桂擢兮蘭𢶏王逸曰擢楫也𢶏船旁板也按毛詩傳云楫所以擢舟也故因謂楫爲擢擢者引也船旁板曳於水中故因謂之𢶏俗字作權作𢶏皆非是也俗又作拽

𢶏撫也从手扁聲

婢汚切

𢶏以手有所把也

以原本作从今依繫傳

从手厥聲

居月切

注曰把當作杞今正杞收麥器引申之用手捋聚亦曰杞通俗文曰手杞曰拊手把曰攬此杞與把之別也內則不涉不擻擻揭衣也擻之義與掘不同韵書倚之非也○箋曰鈕云玉篇引作手有所把也當非脫一切經音義屢引通俗文手把曰拊竝不作杞擻按內則注擻訓揭衣正是把執之義

𢶏

拏持也

拏原本作挐今從段正

从手盧聲

洛平切

注曰廣韵擻下云擻斂○箋曰今粵語人無賴而

𢶏

營求度日謂之擻正是擻斂之義讀若盧之清聲原本篆作挐今從段正

持也从手奴聲

奴原本作如今依段正繫傳下有一曰誣

也四字
女加切

注曰此與前文訓牽引之拏互譌今正煩拏紛拏
字當从如女居切拏攪字當从奴女加切古音同
在魚部而形異猶糸部有絮絮二篆也方言曰囁
咩譏謔拏也郭注言謔拏也女加反又曰拏揚州
會稽之語也或謂之惹或謂之詭許言部曰謔拏
羞窮也字皆从奴亦可證篆體作拏之繆

搯

浸也从手盥聲

鳥困切

注曰浸者湛也謂湛浸於中也集韻引字林搯搯
浸也○箋曰浸義未詳段說恐非許意今粵俗語
檢尋物謂之搯

𢶏掩也从手旁聲

北孟切

注曰廣韵曰答打今義也

𢶏擊也从手各聲

占覈切

注曰凡今用格鬥字當作此後漢陳寵傳斷獄者急於笊格酷烈之痛注引此說文周禮注曰若今時無故入人家宅廬舍上人車船牽引人欲犯法者其時格殺之無罪公羊定四年傳注挾弓者懷格意也此等格字皆當从手

𢶏兩手同械也从手从共共亦聲周禮上臯桔𢶏而

桎

居疎切

𢶏𢶏或从木

注曰周禮掌囚上罪桎𢶏而桎鄭司農云𢶏者兩

手共一木也

𢶏夜戒守有所擊从手取聲春秋傳曰賓將振子侯切

注曰襄二十五年左傳陪臣干振有淫者杜云干振行夜也昭二十年傳賓將振杜云振行夜也周禮搏師掌固皆云夜三藝杜子春云謂擊數行夜戒守也

𢶏棄也从手𢶏聲與專切

注曰俗音居專切

𢶏所以覆矢也从手朋聲詩曰抑釋𢶏筆陵切

注曰鄭大叔于田傳曰𢶏所以覆矢也左傳公徒釋甲執冰而踞冰者𢶏之假借字賈逵服虔皆曰

冰積丸蓋也杜預云或說積丸是箭筈其蓋可以

取飲

𢶏 指麾也从手𠂔聲

億俱切

注曰山海經曰有人方扞弓射黃虵

麾 旌旗所以指麾也从手靡聲

許爲切

注曰巾車曰本路建大麾鄭云大麾不在九旗中

以正色言之則黑夏后氏所建按凡旌旗皆得曰

麾故許以旌旗釋麾假借之字作戲淮陰侯傳項

羽本紀皆曰戲下是也凡旗之所指曰指麾師之

耳目在乎旗鼓也牧誓曰右秉白旄以麾

𢶏 獵也軍獲得也从手走聲春秋傳曰齊人來獻戎

捷

疾業切

注曰捷獵疊韵爲訓謂如逐禽而得之也小雅一月三捷傳曰捷勝也又大雅征夫捷捷言樂事也有瞽傳曰業大版也捷業如鋸齒皆其引申之義春秋傳莊三十一年文左氏公穀皆作齊侯按作人近是不必親來

扣

牽馬也从手口

聲

上后切

注曰周禮田僕凡王田提馬而走諸侯晉大夫馳鄭注提猶舉也晉猶抑也使人扣而舉之抑之皆止奔也馳放不扣史記伯夷叔齊扣馬而諫

𢶏

同也从手毘聲

古本切

注曰方言提同也宋衛之間或曰提漢人賦多用

提字

攷眾意也一曰求也从手安聲詩曰東矢其攷所鳩切

注曰魯頌泮水東矢其攷傳曰五十矢爲束攷眾

意也○箋曰莊子秋水篇攷于國中釋文攷索也

方言二曰攷求也秦晉之間曰攷就室曰攷許於

山部曰索人家攷也是攷之本義爲攷求引申之

義爲聚爾雅曰蒐聚也蒐與攷同毛傳訓攷爲眾

意眾亦聚之引申也此說解疑後人據毛傳改之

字書明本義不得泛舉引申也

攷易也从手與聲胡玩切

掖以手持人臂也

人臂下原本有投地二字今從段刪

从手夜聲一曰

臂下也

羊益切

注曰各本臂下有投地二字今依左傳音義刪左傳衛人伐邢二禮從國子巡城掖以赴外殺之正義曰說文云掖持臂也謂持執其臂投之城外也釋文曰說文云以手持人臂曰掖陸孔所據皆無投地二字淺人傳合左文增之詩衡門序誘掖其君鄭云掖扶持也臂下字本作亦或借掖爲之儒行逢掖之衣高后本紀見物如蒼犬據其掖俗亦作腋

𢶏橫大也从手瓠聲

胡化切

鈕曰左昭二十一年傳小者不窕大者不𢶏杜注
𢶏橫大不入也玉篇𢶏寬也又穴部𢶏橫大不入
也又寬也或作瓠與杜注合知左傳本作瓠其作
𢶏者蓋涉窕而并加穴

𢶏刺也从手𢶏聲

楚街切

鈕曰一切經音義卷十一鏡刺注云說文鏡銳也
論文作𢶏非體按廣雅作𢶏銳正與說文鏡訓合
蓋鏡或作𢶏俗又譌从手耳

𢶏插也从手晉聲

指紳前史皆作
薦紳卽刃切

鈕曰周禮典瑞王晉大圭鄭司農云晉讀爲指紳

之指是古只作晉史記五帝本紀薦紳先生難言之徐廣曰薦紳即緝紳古字通假借

掠奪取也从手京聲

本音亮唐韻或作撲難灼切

鈕曰周禮司刑注引書傳曰決關梁踰城郭而略盜者其刑臙降寇賊劫略奪攘擄虔者其刑死又方言按略求也就室曰搜於道曰略略強取也據此知古通作略按掠之見於經者禮記月令毋肆掠鄭云掠謂捶治人故徐氏舉唐韵或作撲然作略亦通玉篇云撈略也又云掠力尙力酌二切

掐爪刺也从手旨聲

苦洽切

鈕曰玉篇掐口洽切掐抓也爪按曰掐文選長笛

賦指麕擗標李注引埤蒼指爪也又引國語無指
麕韋昭曰指叩也據列女母儀傳作母陷麕是古
或作陷

𢶏 指捻也从手念聲

奴協切

鈕曰玉篇斂閉也或作捻一切經音義卷六捻箭
云又作斂同○箋曰斂見支部云塞也與指捻義
異

𢶑 手拉也从手幼聲

於絞切

鈕曰玉篇𢶑烏絞切𢶑折也後漢書班固傳蹂躪
其十二三乃𢶑怒而少息注𢶑猶抑也音於六反
李善注文選西都賦同

說文解字注卷三
𢦏 𢦏也从手𢦏聲

沙劃切

鈕曰說文隕落謂之械廣雅械訓至撼卽械之俗字

𢦏 方言云無齒杷从手別聲

百轄切

鈕曰玉篇捌補別切物不捌又音八按捌卽別之俗字廣韻十四黠杈博拔切無齒杷也重文作捌又十五鐸捌引方言云無齒杷百轄切按方言竝無捌字而杷下但有郭注無齒爲杈此誤以郭注當方言而新附承之

𢦏 開也从手難聲

他干切

鈕曰玉篇攤奴旦切按也又他丹切開也釋天太

歲在申曰潛灘釋文云灘木或作攤

拋 **棄也** **从手从尢** **从力** **或从手** **地聲** 按左氏傳通用標詩

標有梅標落也
義亦同匹交切

箋曰錢氏大昕曰史記三代世表抱之山中注抱音普茅反抱讀爲拋說文無拋字徐氏新附有之从尢从力于義無取蓋卽抱之譌顯按錢氏謂史記抱讀爲拋是也然拋非抱之譌蓋俗別製一字耳鼎臣謂古通作標亦恐未然

擣 **舒也** **又擣蒲戲也** **从手** **零聲** 丑居切

鈕曰藝文類聚有馬融擣蒲賦其字从木知擣卽擣之俗字御覽七百二十六引博物志曰老子入

西戎造檮蒲檮蒲五木也

𢇛擊也从手丁聲都挺切

鈕曰廣雅打訓擊又訓梮玉篇無打字按說文打訓撞次在桮下桮訓擊則打義亦相類打卽打之俗字玉篇尙不收打則廣雅當是从木之字故又訓梮也

文十三 新附

𠂔背呂也象脊肋形形原本作也今從繫傳正凡𠂔之屬皆从𠂔

古懷切當讀昔切

注曰呂脊骨也脊者兩脇也肋者脊骨也玉篇云俗作乖按俗作乖當在丫部乖字注中○箋曰𠂔

脊古今字隸變作脊戴氏倂引唐本說文作𠂔卽隸楷所由變也鼎臣音古懷切殊誤按乖戾之乖篆本作𠂔隸變从北作乖而北爲古背字致與脊背相涉又从𠂔之字𠂔隸變作華坐隸變作垂而𠂔遂變爲乖此其致誤之由也鼎臣音實沿孫愐之誤繫傳本有讀若乖三字亦後人妄增戴仲達謂𠂔爲一字是也呂爲脊骨之專名脊則兼背言之故𠂔象脅肋𠂔象背呂中。引長成一畫也

𠂔背呂也从𠂔从肉

資昔切

注曰釋名云脊積也積續骨節脈絡上下也○箋曰此由𠂔相承增肉實一字也

文二

說文解字第十二

上